


蘇州府志



卷六十九之七十一
列女

漢書門
九〇八三
一〇四三
三二一
冊架函號類

廿八

庫文閣	內閣文庫
九〇八三	番號漢 9083
三二一	冊數 32 (28)
七二二	函號 292 13
架冊號類	



蘇州府志卷第六十九

列女二



長洲縣

宋

吳仁璧女少能為詩父教以元象陰陽之學仁璧自登第後生業甚薄嘗居越中佯狂求食一日女謂父曰大人慎事出入恐罹憂毒天復初錢鏐命撰母墓銘仁璧不從被繫女泣曰女星失位大人其不免乎鏐命除水部員外郎遂沈之東小

江驚濤中併女同害時年十八

狀元黃由妻胡氏平江尚書元功女善筆札時作詩文亦可觀



蘇州府志 卷之二十九 列女二
一
至於琴棋寫竹等藝皆精自號惠齋居士

明

樓紹妻王氏同爲會稽人徙長洲洪武二年旌表

紹元鄉貢進士王氏卒後

子澄請表母節朝命御史潛覈有以旣死而難之御史移文有云若以死生有閒則比干之墓誰封遂獲旌命宋濂作傳

姚廣孝姊居長洲相城里廣孝以靖難功封少師往謁其姊姊閉戶不納曰那見做和尚不了的是箇好人廣孝遂於門外再拜而去

徐宣妻卓氏字永潔建文壬午宣卒氏年二十一遺男女二人

越二年二孤盡死氏操守益堅旣而舅姑皆歿其母嘗疾篤醫皆不效氏割股作糜以進母食而愈後母死執喪盡禮人

稱節孝之婦

吳天祥妻趙氏家貧奉姑甚孝天祥傭身於人趙每於三炊貯

米一握積之以易齏肉爲姑致滋味使姑悅而不知家之窶

也有兩兒姑酷愛之每食必呼之趙於食頃驅之出卽闔戶

姑問何在給云自留肉與不足念慮或云方出嬉戲人嘗見

兩兒風雨蹲簷閒問胡不歸兒云母奉婆婆羹恐分肉食我

耳天祥相城人

唐冕妻王氏性孝姑病癰污穢不可近王手爲除拭不怠嘗夜

盜入室王倉猝擁病姑匿簷後時天大寒雨王以身蔽姑瀕

凍死不舍吳文定公寬表其事

陸淑清陽城人頗聰慧識字許村人楊紹淑清年二十二兩家赤貧不能嫁娶紹執役往京師惡少艷淑清容色謀妻之集黨撼其翁父若不從我得無悔後禍耶翁父愁諾淑清聞之號哭達曙惡少強委禽焉淑清卽自縊於房以上俱姑蘇志


潘純妻黃氏永樂中純爲御史居北京娶穆氏女爲妾穆祖父世勛不知其有室也黃不知娶穆自蘇至京純懼而館於他室越五日穆知之執妹禮以見黃曰吾初不知有汝也吾有子婦田宅在鄉吾當還汝善事君子乃以珠翟霞帔遺之明日穆氏父兄至將論純而歸女穆以理論之黃又以女事其父兄感動和好後純出宰信陽二氏同處十六年終無間言

舊府志 按皇甫汭邑志純成化時歲貢此云永樂未知孰是

王廷用妻滕氏荻扁人年二十三而嫁七年廷用歿孀居有守嫁兩女不登其門娶兩婦不預酒宴聞父喪偯西向痛哭幾絕而不往臨曰未亡人無奔喪禮也遺一孤身教之曰無姑息無父兒也子錡欲以母節上聞滕力止之曰吾分內事耳年八十七卒舊府志 按錡成弘時人舊志列元人之首誤

樂會知縣周泰妻婁氏通知五經人就婁氏家立講堂曰自非此母無可以傳授後生隔帷受業方之韋逞母宣文君至奉泰骸骨間關以歸節烈尤著

文良卿都憲森女年十四父疏劾劉瑾家人羣阻之良卿曰大



人素懷忠鯁又居言路豈兒女子所當勸止耶嫁孝廉毛錫朋姑韓喜讀書良卿撰北齊史演義以娛之有妹許字進士陸坦子夫歿誓不再字良卿爲造小閣以居米鹽薪菜之屬皆饋焉年未四十病死良卿哭之過時而悲其友愛如此劉黠繼妻都氏年十七歸黠時前妻子畿方四歲撫若已生黠死氏年二十八家貧常晝一粥暮不篝燈氏斷髮茹辛惟課畿及已子坊堪以冀成立年六十餘聞於朝旌表又以畿貴封太淑人

吳宣妻陳氏宣爲郡吏病死氏遺腹生男蓬首毀容居喪帷中人莫見其面旣葬宣廬墓所紡織爲食闢有謀戕其兒者晝夜抱嬰兒不暫捨每撫之哀泣其兄陳容爲護視之卒得成立

朱氏雙節朱文輝女姊曰秀芳適劉乾妹曰秀蘭適諸生徐雲程芳一年寡時十九歲蘭二年寡時二十二同居守節並年五十三而歿合葬龍墩里

徐昇妻袁氏生子華未期而昇歿時年二十七袁單子食貧事舅姑垂三十年遇歲惡粗糲不充而舅姑極滋味稱爲孝婦嘉靖初旌表子華自爲誌

朱寵妻陳氏年二十三寡遺孤纔十四月其姑強之嫁遂截髮斷一指不食七日不能強而止終身不御色服孤尙德以瘍

醫世其家於時有學生顧徵妻方伯查應兆女與之同節
張冲妻葉氏吳江人適冲無子勸冲納良淑廣繼嗣得杭許氏
連舉三子一女葉親育之乳媪必置卧側手自保抱均恩共
愛勝於已出遇微恙輒憔悴勞爲廢寢食諸子女不知爲非葉
出也

薛妙安長洲張灝妻少敏慧甫笄喪母逾年喪父弟妹皆幼妙
安哀痛中辦喪事盡禮歸灝後事舅及兩後姑皆曲盡婦道
處家儉約教子有方居常服勤至耄耋不廢生於宣德癸丑
至嘉靖辛卯年九十九身歷八朝目擊四世郡守胡纘宗書
遐壽二字顏其堂又上其事於朝立人瑞坊以表之

黃璣妻陸氏璣病陸以女紅佐藥餌璣歿其母陰受聘將嫁之
陸私歎曰違親非孝也再醮非節也適遇寒食禱祭於天夜
卽雉經而死郡守胡纘宗表其閭

張秩妻陳氏秩亡陳年纔二十欲從死者數焉懷妊三月生一
子勉爲立孤計舅姑欲奪之乃斷髮毀容茹素嫠居四十年
未嘗踰戶限隆慶初旌表

湯愷妻凌氏愷亡所親欲易其節凌剪髮斷指自明其心育遺
孤成家有司以應詔旌其門
以上皇甫汭縣志參舊府志

顧阿姝長洲人陳林妻嘉靖三十三年四月遭倭亂顧負兒走
匿田間爲賊所得他婦同匿者掠其衣貲皆得放獨顧以少

美被羈劫之行至吳塘橋棄兒自溺

張氏甫里張林山人鑷工張絢女嫁縫匠楊孝嘉靖甲寅五月倭掠甫里執氏欲污之給以往古廟中賊信之縱令前導至卽闔其門投井死

沈氏女許字張應奎未婚應奎死哀慟自縊以救免聞母有他約遂斷髮割右耳爲誓及應奎葬衰經往送命爲穴於旁曰吾終歸於是年六十八卒知府蔡國熙聞於上表其閭

何關金何家庫人幼字陳蕙蕙歿何年十六奔喪送葬念母在復返舅歿往持喪葬畢返如初母亡乃歸陳門嗣子雲鵬奉養之萬歷十八年旌

徐桴妻龔氏年十八嫁桴桴死龔年二十五誓死守節侍女吳氏年十二隨龔適徐生一男不育桴死時吳年十八亦誓不改嫁衆爲置嗣二寡同居共苦聲不踰戶垂六十餘年萬歷二十年表曰雙節之門

董氏上虞丞周稱妾稱疾亟執氏手曰若年方富我死若擇所之氏泣曰妾蒙君愛脫不幸有捐軀相從耳稱歿誓以死殉姑百計止之一日沐浴更衣取紈扇書冰清玉潔四字於上用衰經自經死邑令江盈科上其事并作傳

吳會妻姜氏會故吳江韭溪舊族遷長洲之葑溪善丹青姜年十九歸會僅半載而會與其父及大父母相繼染疫死姜奉

姑誓死守家貧甚日勤紡績以供饘粥先是會娶婦時曾貸其友白金三兩會友欲取償因說其姑令姜改適姑猶豫

未決姜遂慨然入內寢自經死事聞表門建祠本松陵文獻按舊府志

用長洲志專歸咎於其姑與此頗異以松陵文獻考据多覈今從之

蔡氏湖廣安陸人父本淵以經傳顯有周琦者以父官與邸遂

占籍安陸為諸生琦子倫聘蔡為室琦歸後遣倫就婚於楚

蔡走數千里來吳奉事舅姑未十年倫卒琦夫婦又相繼卒

蔡棲居五十七年壽八十四卒舊志葑溪有三節婦祠曰董日姜曰蔡也天啓間建坊名

三節里人陳詩倡義建祠

董朝憲妻朱氏甫里人生子娶徐應臣女應臣艷朱氏姿趣女

歸寧并延朝憲飲飲半忽起曰請安坐我取酒之冽者來突

至朝憲家叩門氏方罷沐語音含胡以為夫醉也發櫬直抵

氏前扼其吭氏大罵碎面剝胸應臣遁隣媪趣朝憲歸氏曰

吾忍以俟若吾必死若截吾體埋之自胸以上請磔以飼狗

言訖引刀斷一指血濺衣裙越三日應臣邀朝憲會飲於甥

家釋憾氏益憤乘大雨登廣濟橋投水死其屍逆流至應臣

門怒目指髮宛有生氣時萬曆丙辰六月初九日也事聞旌

廬建祠置應臣於辟

陳大清妻林氏長洲人大清令龍巖卒於官林赴井死

諸生龔汝騏妻周氏汝騏死含殮後氏從容整衰經闔戶自縊

天啓初旌表

倪士義妻楊氏士義亡誓不獨生爲夫營壙鑿鴛鴦二字於壙石或諷以改適楊面發赤自經死士大夫義之歛資合葬虎邱山郡厲壇北

甫里許氏三節許自學妻褚氏年二十一而寡撫嗣元溥舉於鄉守節五十年許自正妻王氏年二十三而寡家貧無子依父母居母憐其幼欲嫁之乃授褐衣以紅綿繫鈕探之氏泣曰未亡人終身不近此色矣守節四十餘年許自立妻歸氏年二十九而寡事姑孝撫二子成立守節三十餘年崇禎中先後旌表張溥爲作傳

史雲翔妻黃氏長洲諸生黃爲中女雲翔父祖繼歿流浪狹邪染痼疾家亦廢爲中不令成婚女曰夫雖不良一諾爲重卽死寧敢有他志遂歸雲翔晨夜刺繡養姑亡何雲翔病歿黃年二十自刎以救免又咽鐵飲金環不死姑欲爲雲翔舉喪黃泣曰有叔雲翔在俟其娶婦生子承祧喪乃舉因強存絕葷血然以哀痛不勝竟卒卒前三日沐浴設祭酬酒夫靈見者無不泣下

邱可成妻朱氏夫亡無子妾高氏生子世魁甫數月兩寡守節撫孤巡按王志舉獎曰一門雙節世魁亦早卒妻顧氏年二十七家貧事二寡姑撫四孤養寡母莊氏歷盡茶苦里人欲

蘇州府志 卷之十九
上其事顧戒其子曰兩姑與母俱未旌我何獨以此取名辭之

金桂淑長洲人七八歲時母嘗苦病兄弟皆在外塾桂淑早暮侍湯藥不少懈許字張樹未成婚樹死桂淑年十五聞之哭踊彌日誓欲守志服除或來議姻父以告桂淑伏地號泣曰兒久懷出世想矣守貞十四載年二十八卒歿時顏色如生滿室皆香巡按王志舉旌曰貞節

周嘉妻王氏嘉爲練兵千總赴援江浦有功歸娶王方十九歲婚纔一月復遣援皖城力戰死凶問至王斷髮絕食朝夕哀號越九日乘姑出外縊死靈前崇禎十年巡撫張國維題旌

并置祠同嘉祀焉以上俱見舊府縣志

吳适母徐氏長洲人勗子力學登第适爲給事中屢進讜言以忤權奸下獄家人駭懼母獨安之曰吾有子矣及鼎革後适力辭薦舉愛惜名節遵母教也通志

無錫知縣朱采繼妻陳氏長洲人年二十二適朱五載夫亡遺孤三歲家貧流寓饗殮不給氏以女工自給事寡姑訓孤子成立茹荼五十七載

本朝雍正三年追旌通志

諸生龔允培妻金氏流寇時避難婁郊爲土賊所劫義不受辱被斫死巡撫張國維獎之

臨頓路麵店婦孀居崇禎甲申京師破聞變隣婦語曰孃傳來
北方信朝中舊官皆爲新官吾等百姓將爲順民矣婦曰此
何言吾所以必死也闔扉自經於夫柩前

宋爾城妻葉氏乙酉六月湖寇入城爾城與子實穎謀避兵葉
正色曰出走者爾輩事吾婦人去將安之俄聞有兵持刃觸
門葉遽赴井死仲子實粟年十七哭井旁曰母死兒何心獨
生亦赴井死

鄒化明妻王氏乙酉八月避兵陳湖歸遇亂兵吳淞江連發流
矢氏恐不免謂化明日子有親在急循蘆中可避我死此矣
遂赴水死

徐樹聲妻張氏夫亡懷孤兒避兵林間兒啼賊覺爲剽騎所得
自刎未死騎強與俱益奮罵遂攢刀斃之

周氏長洲人陳璿孫婦乙酉六月爲湖寇所執奮袂投水死次
媳張氏大呼曰姑得死所亦赴水死其女孫甫十三罵不絕

口被殺以上俱見
舊府縣志

楊廷樞繼妻費氏廷樞殉難氏欲從死諸弟子以兩孤俱幼勸
止之乃削髮爲尼其宗黨復請歸故廬以廷樞被難戒家人
無殺生終身蔬食不脫麻素病亟曰地下望我久矣遂卒同
時劉曙繼妻陳氏曙殉節金陵氏扶櫬歸葬奉姑撫諸子成

立元和
志

殷氏女幼許字吳某八歲夫亡飲泣易衣足不踰闕聞父欲改字剪去其耳以誓志守貞三十年如一日

文柙青
檀雜志

歷年旌表貞節

張新妻華氏張彥達妻胡斗奴俱洪武初旌張得三妻顧三娘洪武三十一年旌陳彥良妻金氏永樂四年旌蕭山訓導王永年妻陸氏永樂八年旌趙學遜妻徐氏宣德六年旌仰餘澤妻張氏正統三年旌華季謀妻張氏正統五年旌陳復妻鄒氏正統九年旌韓伯濟妻張氏正統十年旌周公美妻劉氏景泰三年旌陸墳妻浦氏天順二年旌陳頤妻華氏王公著妻吳氏俱成化十二年旌魏公進妻尤氏成化十八年

旌蕭貴妻吳氏成化十九年旌許字張應奎沈氏女成化年旌杜洪妻皇甫氏弘治二年旌鄭之鑑妻袁氏顧兩疏妻莊氏龔淮妻施氏陳子祿妻徐氏俱萬歷間旌諸生金永思妻陸氏舉人朱紱妻劉氏即祖文之母生員陳三錫妻杜氏汪大訓妻程氏俱天啓間旌曹文明妻張氏史必通妻仰氏中用明妻徐氏陶允潤妻王氏嚴孟濟繼妻葉氏俱崇禎間旌

未經旌表貞節

陸阜妻陳貴華樂亭令蔣廷貴繼妻徐氏舉人蔣煥妻楊氏煥從子諸生鰲妻懷氏姚祥妻季氏姚舜民妻吳氏馮旻妻蔡氏子時春妻陸氏張侃妻郭氏諸生顧徵妻查氏陸穉妻

何氏曹綬妻蘇氏浦某妻朱氏姚采妻高氏陸環妻柳氏章

昆妻李氏顧源妻姚氏殷庚妻高氏張鸞妻俞氏

女關清幼字俞某未

婿夫死守貞終身

太學徐銓妻朱氏

沂之

吳鑛妻王氏歸湛初妾高

氏王叔一妻張氏徐泓妻錢氏顧君敏妻周氏顧鈔妻周氏

楊焯南妻蔣氏許字袁應龍徐氏女

本朝

○嚴叔明妻顧氏順治七年夫為讐家誣陷下獄氏刺血書牒

懇於御史張慎學即舉刃刺喉死踰年御史秦世禎題旌

志

○郭忠陞媳徐氏翁抱危疾氏祝天祈代割股調湯以進病立

起後翁知之厚歸其女以志婦孝

○言象賢妻屠氏夫早亡祠宇泮圯氏陳郡守早夜拮据得撤而新之教子力學巡按獎之祀祀賢祠

○鈕成惠妻楊氏年六歲父母相繼歿歸鈕為養媳成婚後事

舅姑曲盡孝敬姑病晝夜侍湯藥數月不少懈及歿慟絕復

甦者再逾旬竟卒里黨稱為死孝

○諸生許質妻陳氏贈詹事允堅孫女年二十三質死止一女

置嗣守節孝養舅姑嘗鋤地得金念昔年朱氏姑曾居此或

其故物仍掩之後姑從滇中歸追憶所藏竟忘其處陳為指

示一無所遺勤苦四十年年六十三卒質從弟虹亦諸生妻

伍氏虹死伍年二十五無子立從子心康爲後撫教之入鬻序曰吾將藉此以報地下矣悒鬱傷神卻藥而死

○周氏女金壘人許字何綸言綸言歿女泣白其母欲往弔母不可因閉戶而泣潛易縞素所著赤色履以墨塗之至五鼓哭聲寂然啓戶視之自經死矣康熙十八年旌

○程烈婦徽州人楊茂枝女有同鄉程公益寓吳爲人司貨殖茂枝招爲壻婚七日主家以歲冗促之去歸患喉疾竟不起婦晝夜哀慟越十日有女戚來與母語勸圖後配婦聞哽咽不能語傾之感去母送之門婦給幼妹伺母於外以白練縊夫棺側康熙庚申三月八日事也二十三年旌表

○莊焰妻文氏和州學正嘉曾孫女焰卒文年二十四二子俱幼翁姑二柩在堂文盡鬻室中所有并夫棺葬之飢寒瀕死晝夜刺繡積錢六千銀十兩從父貢士從簡曰此節義之物持去厚其息歲給米十石始得存活復遇荒旱避亂播遷茹荼一生年六十二卒康熙二十四年旌

○華氏女許字施塏年十七塏亡絕粒七日不死自縊以救解復持刀母奪之乃守節夫家長齋縞素哀號成疾七年殞康熙二十五年旌

○史洽妻王氏洽以貧爲贅壻王雖依父母居而事舅及繼姑能盡婦道舅歿脫簪珥具棺殮如禮舅有遺逋復以鍼黹所

積償之不貽繼姑憂無何姑信讒讐視洽王事姑益謹冀少解而洽鬱鬱自傷投井死王聞變奔哭慟絕復甦洽從父違議改適王搶地呼天欲碎首塔下議乃止父母勸其置嗣因立族子勇爲後視如己出繼姑甘旨無缺而自食粗糲姑亦感動每痛夫死非命一日孤欲授經檢洽所存敗簏視遺書號慟不能起父母急迎醫診視云腸已斷矣水漿不入口數日而死年三十四

○胡士彥妻黃氏嫁未三載夫亡欲從死以懷妊冀得一男及產女女又殤間歸省父母會夫家火燼士彥棺黃倉皇歸視家人輩已棄遺骨蔓草間黃泣至其所裹還置臥側將卜地以葬士彥弟以爲不祥數詬詈之黃乃割左臂肉同枯骨瘞諸城下巷別父母還自經死

○諸生朱之策妻戴氏年二十四而寡善事舅姑教子伊蔚嘗曰讀書期躬行實踐稽古求榮非所望於汝曹也性不喜佛疾亟時諭家人勿號哭以亂我心勿作佛事以違古禮守節四十九年乾隆三年旌

○陳某妻徐氏于歸時夫病已篤匝月卒舅姑欲嫁之不可更怒遣之歸父母家兄弟輩又不容乃出簪珥買一椽於父居旁獨與一婢居長齋繡佛藉鍼黹以給自營生壙於虎邱北年七十四卒太史嚴虞惇表其墓

○劉昭武妻陸氏昭武遭危疾氏刲臂肉進竟不起日夜涕泣兩目流血殷紅被體未幾卒距昭武亡七月

○楊无咎繼妻張學典字羽仙徵君端拱女工詩詞十歲作採蓮賦錢謙益亟賞之兼精繪事與无咎窮居階隱日手經史教二子繼光繩武皆成名所著有花樵集十餘卷同母姊妹七人各有集第五妹學象字凌仙與學典孿生詩名亦相埒集曰研隱中歲而寡貧不能自存學典分宅居之學象年老白髮絳紗爲世女宗學典兩女芝芳女孫錦並能詩芝適當湖文學汪彩早寡無子依母氏以居有漱芳集

○吳詒妻張蘩字采于幼通文史工吟詠有衡樓集清平和婉得風人之遺子岳通經術詩亦工蘩所指授也

○嚴廷瑛妻孫嫫諸生雲客女幼明慧嫫經史兼工寫生廷瑛早歿遺子女七稚髮垢面勤操作撫教諸孤寒燈敗帷垂四十載晚課女孫輯古名媛文百餘首細爲評註名曰古文盤鑑識者以爲可補中壘列傳汝南女典之闕巡撫張伯行表其閭榜曰獨嫫大義

○王漢侯妻梅氏夫羸疾七年死氏拮据殯殮呼搶欲殉有夫女弟遣已子日夜防閑之後氏給甥他出遂自經柩前康熙間旌表

○吳氏女冢宰一蜚女許字宋啓業未嫁夫亡誓不欲生念父

宦母歿弟妹無依隱忍三年父歸更訂陸氏女吞金不死投井不得伺間裂宋聘帛自縊遺書典宋氏簪珥具後事雍正

六年旌

以上皆本舊府縣志通志參元和新志

○楊氏女莊簡公成元孫女年十八許字張生始未嫁生始亡女私自飲泣有來議婚者輒終日不食遂依母以終及卒謂

兩兄曰禮女未廟見而死歸葬於女氏之黨吾死勿以棺歸

張乃葬母墓側

○諸生王周秩妻宋氏少秉至性母抱危疾割臂和藥以進夫

病亦割股療之年二十八寡孝事孀姑撫孤繼孟成立繼孟

又早歿與寡媳艾氏撫育幼孫相依四十餘年雍正元年旌

以上俱元和志

○馮士傑妻李氏姑病嘗糞割股大吏屢旌其廬

○尹子明女居泚墅鎮許字句容張國富未婚張歿女聞訃竟

日不語密縫紉上下衣投河死時年十七

○陳淑睿太學生泰來女許字林大治未婚夫亡女投繯以救

免後有求婚者遂自經寢戶傍母於奩篋中得其手書皆矢

死靡他語蓋志於死久矣

以上俱通志

○許宣哲妻程氏年二十七夫亡無子即自縊以救解家人更

互守護歷八十餘日忽撫柩號曰吾今得死所矣遂勺水不

入口積十有一日死

微顯志

○諸生翁誕登妻謝氏年二十二舅姑因誕登病篤娶之甫三日夫亡氏侍養十年俟小叔長赴井以殉

編修楊繩武撰傳

○許氏女父蔚年老子女守貞侍奉及弟麟生父歿撫教為諸生以病終

微顯志

○諸生劉士鐸妻殷氏士鐸為前明死節進士曙之曾孫氏則常慕孝子鉉孫女也年二十六士鐸歿氏絕粒誓殉姑以撫孤勸止之越六載以嗣子託其弟不食七日卒先是姑與母病氏皆割臂肉以進人無知者殮時家人見兩臂有癩痕右臂繫一小囊貯乾肉數塊自題其函曰全受全歸人始傳其事云

○高八妻潘氏夫亡身殉乾隆元年旌

○施維嘉妻沈氏夫亡無子乘間自縊乾隆七年旌

○諸生施張珏妻顧氏夫亡誓殉檢簪珥手自封識索酒奠夫中夜自經乾隆七年旌

○朱氏女許字金之佩未婚夫亡欲往持喪母不可即絕粒不食乃送歸金氏從喪次視日正午奠酒焚楮再拜投繯死年十有九乾隆八年旌

○張氏女許字徐培未婚聞訃歸徐守志因嗣子殤自縊歷年旌表貞節

聶應葵妻王氏順治十年旌歸文達妻陳氏順治十六年旌

沈國彥妻周氏王允瑞妻金氏葛子延妻黃氏俱康熙十八年旌郁士賢妻聞氏朱履正妻金氏俱康熙二十年旌贈編修彭璜妻黃氏寧求母程應斗妻姚氏俱康熙二十二年旌郭繼昌妻王氏康熙二十三年旌吳嘉祚妻徐氏劉世榮妻趙氏蔡開甫妻陸氏俱康熙二十五年旌朱瑞甫妻陸氏康熙二十六年旌朱菁妻顧氏朱奐妻辛氏俱康熙三十五年旌許字鄒球顧氏女康熙三十六年旌胡世敬妻葉氏生員馬國璉妻吳氏程治妻孫氏俱康熙三十八年旌王允持妻張氏康熙三十九年旌計煥妻宋氏顧慶榮妻王氏楊隆起妻謝氏盛應蛟妻張氏金天任妻周氏朱雲武妻張氏生員沈

燦初妻周氏顧峻妻鄭氏俱康熙四十二年旌何庶統妻徐氏武舉葉萬郡妻余氏馬守強妻王氏王三芷妻張氏俱康熙四十五年旌蔣錄妻王氏以孫恭業貴贈贈安人沈純武妻顧氏監生張大紹妻沈氏俱康熙四十八年旌周之楨妻吳氏陳用爵妻閔氏葉子莪妻陸氏陸侍國妻謝氏許字陸纘劉氏女許字顧賓臣陳氏女俱康熙五十六年旌周咨岳妻張氏王孝垂妻呂氏生員張李燦妻王氏江承信妻陳氏沈以泓妻金氏媳施氏周安國妻陸氏俱康熙六十年旌華經挺妻吳氏袁泰徵妻吳氏駿之母駿以母節廣求名人作詩詳見駿傳失其旌年附見於此余廷楊妻顧氏榮大章妻杜氏許字生員顧燦姚氏女許字張鳳鳴

呂氏女俱康熙間旌顧旭繼妻謝氏熊永錫妻沈氏周允恒妻孟氏吳以恭妻程氏太僕寺丞陳濟生妾胡氏國初人俱雍

正元年旌諸生宋敏行妻王氏編修沈旭初妾宋氏胡文榮

妻周氏子善述妻王氏孫女適吳亦早寡稱一門三節黃農妻金氏施爾弘妻李氏

生員金之鎮妾鈕氏歸信生妻毛氏薛文良妻楊氏生員黃

志高繼妻盛氏孫萬一妻汪氏范君昇妻殷氏陸聞吉妻何

氏夏洵妻張氏顧三俊妻羅氏陶士龍妻高氏許字馬康明

陳氏女俱雍正二年旌生員邱承周妻盧氏邱文濂妻沈氏

吳國俊妻胡氏生員徐恪妻陸氏羅載元妾朱氏生員沈一

鶚妻王氏馮映京妻申氏張家閔妻華氏徐時修妻高氏孫

文進妻朱氏徐士裕繼妻王氏徐觀成妻華氏韓秉質妻王

氏金隆祀妻顧氏生員沈曾貽妻顧氏於子斌妻汪氏金大

成妻王氏潘煒妻陸氏監生范珙妻王氏沈維城妻金氏沈

維翰妻姚氏汪拱辰妻蔣氏孫憲德妻陸氏貢生金上簡妻

申氏邢復達妻魏氏俱雍正三年旌生員張起龍妻毛氏子

弘德妻毛氏陳濟威妻韓氏顧鸞妾胡氏潘柳達妻李氏施

昫妻王氏俱雍正四年旌監生沈光竣妻王氏顧雯妻周氏

俱雍正五年旌徐國維妻陳氏許經妻吳氏弟綸妻趙氏林

載功妻王氏俱雍正六年旌吳炳妻顧氏生員朱鑛妻黃氏

俱雍正七年旌朱盛晟妻范氏生員顧謐命妻吳氏陶慶星

妻吳氏馬詠妻張氏朱錫光妻金氏金湄妻姚氏張鑑妻吳氏俱雍正八年旌生員顧懿求妻張氏檢討大受女貢生顧宗讓

繼妻陳氏生員張元亨妻薛氏監生吳滙妻顧氏生員徐滋

德妻邵氏監生陸汝灝妻施氏生員林模妻姚氏職監李維

均妾馬氏鮑應祥繼妻謝氏監生顧宗臣妻張氏劉三重妻

沈氏陳溶妻吳氏葛錢妻戴氏王某妻楊氏俱雍正九年旌

貢生王天錫妻宋氏貢生江斌妻朱氏生員郁世楷妻張氏

生員韓蔣林妻周氏季隨妻吳氏邵希哲妻徐氏呂能明妻

葉氏朱鼎牧妻呂氏俱雍正十年旌生員吳昌言妻顧氏吳

導恒妻錢氏吳華妻李氏三吳皆給事中迺孫王家琛妻孫氏弟家琦

妻陳氏王家棟妻孫氏子永齡妻謝氏王衛保繼妻鄭氏謝

廷貴妻王氏蔡起夔妻姚氏姜子熊妻戴氏潘魯德妻陳氏

屠雲來妻徐氏邱瑞僊妻吳氏許字顧允恭周氏女俱雍正

十一年旌何繼昌妾顧氏監生朱錫謀妻劉氏王宗琛妻楊

氏吳鏐妻高氏朱鼎文妻沈氏俱雍正十二年旌汪際會妻

呂氏金旣章妻錢氏沈德元妻金氏妾王氏陳邦衡妻湯氏

顧元寧妻孫氏張念茲妻陸氏俱雍正十三年旌生員顧汝

楫妻章氏吳德純妻朱氏貢生吳元昇繼妻張氏顧郁棟妻

陳氏顧士仲妻朱氏張計成妻吳氏王祖祥妻顧氏沙承惠

妻陸氏徐國俊妻陸氏金繩祖妻王氏朱君盛妻趙氏監生

王瑄妻張氏袁儀鳳妻朱氏董本素妻顧氏俱乾隆元年旌
 姚濬文妻俞氏周奕曾妻王氏王文穆妻吳氏韓蕤妻呂氏
 陸希文妻陳氏俱乾隆二年旌黃道明妻謝氏顧景鄴妻殷
 氏張鈞奏妻陸氏李倫若繼妻邵氏吳天球妻文氏金德隅
 妻盛氏蔣士珍妻陸氏張均妻黃氏顧以球妻湯氏周鎬妻
 徐氏俱乾隆三年旌陳國柱妻姚氏朱傳棟妻鄒氏干明德
 妻施氏顧本任妻陳氏金上瀛妻顧氏朱燭妻彭氏謝天祿
 妻徐氏俱乾隆四年旌沈芑妾王氏吳鳳鳴妻朱氏監生宋
 沅繼妻顧氏汪敏學妻金氏方鳳翔妻范氏袁天保妻過氏
 雷大坤妻顧氏顧梓材妻張氏吳南麟妻華氏王萬鍾妻金

氏沈天修妻顧氏王世仁妻陸氏談兆麟妻吳氏程尚九妻
 周氏潘尚文妻賈氏徐懋元妻朱氏張迪妻林氏沈鵬南妻
 吳氏陸渠妻許氏蔣履恭妻湯氏張觀妻倪氏俱乾隆五年
 旌宋景瑞妻裴氏汪肇職繼妻繆氏施玉相妻邵氏吳德年
 妻程氏鄒天祿妻王氏邢有仁妻周氏王希禹妻彭氏吳杖
 妻沈氏張毓珍妻吳氏趙妃妻秦氏吳子仲妻麋氏鄒轂妻
 顧氏朱裕徵妻林氏許字秦時雍華氏女俱乾隆六年旌生
 員汪彰妻楊芝无咎女
已見前陳砥妻張氏徐希旦妻李氏謝南吉
 妻周氏倪峻德妻陸氏尤壽增妻薛氏潘慶聲妻沈氏秦錦
 存妻孫氏俱乾隆七年旌監生王惟馨妻徐氏生員彭廣益

妻葉氏孟興琦妻褚氏吳廷元妾趙氏李隆春妻吳氏楊球
繼妻董氏李麗春妻王氏唐玉衡妻陳氏張鳳翔妻胡氏張
峙妻華氏夏南翼妻王氏沈澍妻胡氏俱乾隆八年旌姚子
功妻計氏顧念峯繼妻王氏姚爾發妻莊氏呂王佐妻顧氏
顧道生妻夏氏徐廷鏞妻吳氏吳公善妻楊氏金鏞妻姚氏
裘洪達妻朱氏蔣淇妻高氏俱乾隆九年旌徐作霖妻顧氏
生員邵憲妻徐氏沈仲舜妻趙氏王樂天妻薛氏范儀千妻
沈氏徐謨妻張氏朱輝繼妻邵氏許字陳治士程氏女俱乾
隆十年旌韓綸妻吳氏乾隆十一年旌

未經旌表貞節

趙升侯妻許氏潛忠先
生琰女黃文暎妻郁氏金之崧妻吳氏監生
陸榮妻沈氏榮弟茂妻鄭氏生員邱貞繼妻湯氏顧士偉妻
歸氏周公軌妻張氏周玉麟妻顧氏閔元豐妻楊氏生員沈
際飛繼妻鈕氏張尙志妻薄氏夏國祚妻潘氏歸程脈妻蘇
氏歸張脈妻王氏朱萼美祖母陳氏署通判顧廼猷繼妻郭
氏生員郭士肅妻陳氏文轅妻徐氏轅從弟婦俞氏生員凌
一梓妻吳氏監生顧頊妾戴氏吳宗安妻李氏張與炆妻顧
氏生員顧延祺妾曹氏生員吳岳繼妻周氏生員周諗妻楊
氏朱熙宇妻章氏朱汝弘妻湯氏生員陳德升妻顧氏生員
許顧虹妻伍氏吳慎庵妻金氏副榜陳宗錫妻周氏馮萬鍾

繼妻蘇氏許培妻鄭氏監生莊祖望妻陳氏韓載郁妻錢氏
 陶鳳妻朱氏徐彬妻邵氏顧九功妻陸氏生員顧山進繼妻
 張氏李震妻汪氏吳予彰妻盧氏生員鄒城妻丁氏顧琛書
 妻蔣氏金符繼妻李氏鄒子循妻朱氏龔汝秩妻徐氏范安
 宏妻申氏劉懋德妻朱氏妾程氏蔡永埏妻朱氏生員凌京
 元妻支氏顧琪年妻陸氏生員顧升妻陸氏朱希永妻沈氏
 生員仰培妻毛氏蔡王聘妻李氏楊遠媳易氏李之弦繼妻
 華氏王鉉玉妻鄔氏吳子康妻程氏白若采妻習氏吳雲章
 妻顧氏程尙鑒妻董氏許字顧鼎祿袁氏女許字生員蔡璿
 丁氏女許字錢國楨蔣氏女許字閔士毅黃慧珠許字諸文

忠朱氏女許字楊遠孫顧氏女許字張蒼霖孫氏女

元和縣凡由元和請旌及其人在分縣後卒者皆編入以前列女具見長洲餘新分縣仿此

○生員王時亨妻張氏年二十三夫亡以事姑教子爲己任明
 末土寇竊發氏偕娣張氏暨媳孫氏抱孫坐井傍曰此爲全
 全歸之所矣幸免難守節五十一年卒嗣子响克承家學氏
 之教也雍正十一年旌

○嚴惟式妻陳氏年十九夫亡遺孤甫晬適火延夫柩氏痛哭
 死守風返火滅初析產授田數十畝氏辭以佐先世葬事後
 舅姑老又迎養苦節五十二年雍正十三年旌

○某人妻陳氏未嫁夫病父悔之氏曰命也結褵後夫病劇剖

股以進不起家貧依父以居父疾氏善事之父欲改適不可苦節三十餘年

○程廩年繼妻姜氏年二十夫亡無子翁迫改適不從遂逐之依兄嫂以居常竟日不食苦節四十九年乾隆六年旌

○王氏女名蘭香角直鎮農家女幼已許字父寢甚以女質於林爲從媵林婿悅其姿數調之不應遂加笞辱女因製一綿繩自隨一夕婿乘間強逼之女奮拒得脫夜靜乃以所製綿繩自縊死

通志

○朱之勸妻仰氏佐夫孝事舅姑色養承歡典醫襄葬巡撫喬世臣額獎

○顧雲鸞妻朱氏年二十三夫亡氏絕粒痛哭歷四晝夜而死
○吳泰妻尤氏年十八夫亡無子義不欲生姑勉慰之飲泣三年自經死

○戈氏諸生戈繹女許字陳健德未婚夫亡女卽欲往殉父母勸阻之遂投河死乾隆三年旌

○宋氏女名景衛許字諸生程樹未婚樹卒女矢志歸程守貞幼習禮工詩至是詩不復作遇節烈事間一發抒嘗作陳烈婦詩有云由來夫婦比君臣策名亦有未授職清風孤竹師夷齊商朝未祿周恥食初未歸程時聞姑病亟刺指血書疏籲天請代其節孝蓋天性云樹字玉生幼能遍讀諸經十三

補諸生有神童之目年二十一以哭大父得疾遽歿人皆惜之

歷年旌表貞節

管岷妻朱氏曹晟妻陸氏俱雍正六年旌監生吳聰妻嚴氏
雍正七年旌唐宗商妻王氏許字程之俊戴氏女俱雍正八
年旌生員仰天植妻毛氏宋淵妻葉氏顧廷正妻嚴氏仰鼎
玉妻郎氏監生張宏度妻裴氏周祥發妻戴氏朱宏緒繼妻
顧氏邱志道妻周氏生員張俊德妻傅氏施玉鎰妻張氏俱
雍正九年旌蔡日章妻郁氏黃辰銑妻葛氏俱雍正十年旌
生員施恩澤妻申氏吳自遠妻錢氏生員馬熙妻周氏生員

龔鼎基妻翁氏監生王用俊妻張氏夏準妻宋氏沈子愉妻
張氏朱之炆繼妻程氏郎中沈曾頤妾陳氏黃國祥妻王氏
陳樹琳妻徐氏顧景榮妻謝氏王獻其妻曹氏金彩貫妻袁
氏陳又遵妻黃氏顧漢臣妻蔣氏生員胡士煥妻馬縣志作馮氏
蔡忠宸妻凌氏俱雍正十一年旌容縣知縣葉子循繼妻鄭
氏盧天麟妻顧氏監生沈穀繼妻欽氏江起嶠妻沈氏監生
莊祖祐妻沈氏陳佩玉妻徐氏毛誌震妻李氏顧澧妻陳氏
俱雍正十二年旌生員顧璐妻金氏監生陳之正妻吳氏徐
復繼妻羅氏弟愷妻毛氏沈應祥妻孫氏王家說妻陳氏趙
道濟妻周氏歸吉士妻黃氏喻彩臣妻張氏程仲詹妻袁氏

金廷琇妻沈氏施廷正妻李縣志作李氏殷是憲妻繆氏王慕溪

妻周氏徐樹穀妻戴氏楊茂林妻李氏徐引吳江志徐引年元和題旌有年

字妻顧氏姚仁妻陳氏宋斌妻施氏陸諤妻宋氏楊元吉繼

妻支氏子汝立妻孟氏俱雍正十三年旌生員王烈妻裴氏

監生許其成妻陸氏劉梓妻黃氏州同知王鼎禮妻范氏陸

澄妻俞氏申攻妻錢氏程有椽妻朱氏陳玉書妻蘇氏監生

陸鎔妻吳氏徐燾妻張氏陸尊三妻邱氏趙天錫妻朱氏生

員顧宗周妻唐氏謝履祥妻沈氏程世模妻范氏陸皦妻黃

氏汪顯初妻張氏申熊占妻張氏俞鄰天妻何氏吳曦妻胡

氏生員顧宗齡妻趙氏韓定京妻陳氏生員黃戴濤妻顧氏

監生高日華繼妻金氏顧廷槐妻毛氏許字馬聖傳蔣氏女

俱乾隆元年旌舉人蔣觀光繼妻趙氏葉長升妻褚氏張千

仞妻謝氏朱文秀妻呂氏凌雲妻蔣氏韓祖培妻吳氏陳球

妻戈氏蕭廷選妻沈氏顧奕世妻馬氏錢炯妻歸氏王昭宣

妻黃氏沈德榮妻范氏俱乾隆二年旌前明吳明山妻李氏

孝子中英母生員丁殿颺妻陸氏宋斗位妻張氏鄒濬繼妻黃氏

生員許周德妻周氏生員蔣維垣妻錢氏編修沈世奕妾李

氏學士沈朝初妾馬氏王助妻陸氏張允文妻錢氏生員陳

宗器繼妻朱氏張允武妻朱氏凌燦雲妻車氏潘子茂妻湯

氏王豫公妻凌氏褚士榮繼妻周氏李天爵妻傅氏監生顧

蘇州府志 卷之六十九 列女二
行妻王氏莊玉署妻蔣氏監生陳樹璉妻黃氏周之鑑妻張氏盛玉立妻趙氏監生文妃瞻妻周氏劉天來妻龔氏監生汪之濱妾許氏周維新妾胡氏王應星繼妻郁氏朱承業妻吳氏朱元文妻尤氏李九鵬妻錢氏郭欽文妻程氏殷尙臣妻蔡氏朱燁妻胡氏殷蟠逸妻沈氏顧衷妻陸氏胡光裕妻沈氏諸生張予燮繼妻孫氏沈曾熊妻俞氏沈曾熙妻施氏許字王錫冕潘氏女許字吳振業李氏女俱乾隆三年旌生員毛元衡妻盧氏生員龔大勳繼妻邱氏生員董茂功妻顧氏監生王錫位妻章氏吳玉衡妻宋氏生員倪山堂妻江氏褚維寧妻馮氏監生諸張筠妻褚氏褚維翰妻鄭氏監生顧

珏妻褚氏胡纘德妻王氏方瑞華妻湯氏裘嶷生妻吳氏王武公妻翁氏蔣尙桓妻吳氏尹棟妻張氏徐覲光妻王氏蘇暹妻袁氏丁世盛妻晏氏王錦妻曹氏欽耀祖妻史氏沈錫妻華氏宋萃立妻李氏許字周荆石李氏女許字孫鴻基馮氏女俱乾隆四年旌前明御史顧宗孟妾王氏金顧炳妻周氏於志基妻郭氏陸禧妻黃氏宋勵業妻孟氏吳石安妻王氏貢生黃穎妾陶氏監生王景登妻滕氏李慶生妻王氏丁啓元妻朱氏教諭陶妃思妾金氏洪令錫妻程氏生員項元求妻支氏陳學永妻袁氏生員項璧妻周氏吳綱章妻陳氏徐成模繼妻唐氏劉奕芳妻趙氏宋敷妻潘氏陸雲間妻郭

氏孫揚妻顧氏周佩蘭妻沈氏朱鼎妻沈氏吳廷正妻劉氏
樊越妻陳氏李鶴麟妻俞氏生員妻德培妻邵氏鄭震炎妾
欽氏褚啓儀妻蔣氏王嘉秩妻錢氏顧世演妻何氏項德澍
妻王氏沈天祥妻王氏何允修妻胡氏董方安妻吳氏俞世
瑄妻陸氏沈自新妻陸氏楊實時妻金氏張天御妻姚氏華
叔筠妻居氏朱慎修妻馬氏許七相妻劉氏朱瑞章妻王氏
許先登妻胡氏陸聖公妻吳氏龔雲輔妻沈氏尹萬貞妻沈
氏張天錫妻沈氏詹協和妻張氏朱用甫妻姚氏袁聖述妻
唐氏俱乾隆五年旌贈光祿大夫吳臨漢妾王氏尚書一陸
蜚母
沫妻吳氏祁紹妻屈氏生員蘇綸繼妻滕氏邱景明妻徐氏

朱學海妻錢氏張曰成妻王氏貢生吳廷佐妻丁氏殷古遠
妻吳氏朱景周妻韓氏彭珍繼妻金氏陸文勳妻孟氏顧爽
若妻華氏九道基妻胡氏俞順山妻陳氏蘇瑞卿妻金氏陳
永銘妻吳氏顧廷鉉妻譚氏陸貞吉妻李氏朱瑞行妻金氏
顧肇基妻鄭氏朱文基妻陳氏龔汝秩妻徐氏徐桂妻馮氏
陸子琦妻林氏文軌妻許氏周彩若妻章氏丁懌妻朱氏顧
其旋妻王氏韓巖妻施氏許存仁妻曹氏謝球妻朱氏迓君
常妻徐氏朱聖一妻沈氏陳素臣妻凌氏沈天敘妻王氏謝
朝初妻李氏張聖武妻沈氏王德明妻張氏諸玉書妻徐氏
諸本侯妻顧氏王宗華妻顧氏王玉瓚妻吳氏石貢男妻屈

氏周大順妻徐氏俞仁吉妻殷氏朱振玉妻王氏陸鶴翔妻
吳氏孫天籥妻吳氏許字朱涵光張氏女許字顧溥張氏女
俱乾隆六年旌洪學濂妻姚氏生員徐熙妻顧氏唐永麟妻
潘氏湯省三繼妻蔣氏王文忠妻顧氏陳天孫繼妻錢氏徐
鴻傳妻沈氏費誠所繼妻金氏計以忠妻朱氏顧祥宇繼妻
王氏蘇寶田妻陸氏徐文德妻姚氏馬龍蟠妻沈氏柳丕緒
妻盧氏唐茂芝妻錢氏陸彥瑜妻陳氏陳天儀妻徐氏顧元
培妻歸氏徐大觀妻黃氏范德元妻朱氏楊黼文妻徐氏王
御祥妻陸氏闕永受妻阮氏劉漢妻陸氏吳子常妻殷氏俱
乾隆七年旌江學亮妻陳氏管鑰繼妻吳氏朱殿臣妻黃氏

章君耀繼妻吳氏朱阮文妻黃氏夏賢妻陳氏張國禎妻柴
氏高岳妻鄭氏朱建侯妻潘氏周惇妻陸氏錢自昭妻姜氏
嚴錦妻沈氏王綸妻薛氏顧漸妾馬氏許字李廷儀顧氏女
俱乾隆八年旌顧之翰妻朱氏方元龍妻吳氏妾陳氏王熾
文妻朱氏吳用恥繼妻顧氏陳學潛妻毛氏程錦榮繼妻王
氏趙申郊妻徐氏朱世英繼妻蔣氏顧承家妻張氏祖文明
繼妻王氏張寧瑞妻顧氏施紹衣妻陸氏顧瑞書妾李氏蔣
苓妻王氏徐機妻廷氏徐椽妻朱氏許字呂瑗葉氏女俱乾
隆九年旌朱君順妻張氏沈宏陞妻陸氏陸貽楠妻吳氏韓
爾卿妻朱氏周南士妻張氏王玉峯妻朱氏張衛師妻沈氏

周南侯妻張氏朱琇妻金氏陳兆嘉妻蔣氏李致妻宋氏程文綬妻鄭氏許字顧長源謝氏女許字王張綺李氏女俱乾隆十年旌

未經旌表貞節

唐某妻顧氏文尙岳繼妻王氏子叔英繼妻陸氏徐元發繼妻李氏葉深妻吳氏邱紹階妻徐氏媳華氏庶吉士董麒繼妻湯氏戈允中妻陳氏州同知夏以璜繼妻姚氏生員張正儀妻顧氏監生朱綬妻江氏王宗賜妻沈氏周勳業妻毛氏徐國維妻陳氏徐嗣昭妻顧氏張湘湄妻謝氏顧仁原妻王氏沈大成妻王氏吳藩繼妻倪氏王琛妻曹氏顧雲倬妻江

氏以上見縣志雷嗣宗妾金氏尹元良妻沈氏子文旌妻陳氏諸

生顧維藩妾徐氏鄒基妻高氏以上見通志顧思欽妻高氏嗣子

岱妻席氏張鳳鳴妻錢氏鄧宏遠妻胡氏貢生彭遵儒妻顧

氏張敬承妻陸氏華介眉妻朱氏吳瑜妻孫氏夏釗妻陸氏

許字李天滋周氏女許字吳駿郁氏女二女見通志許字許大成

胡韞玉江蘇布政獻徵孫女許字姚永錫盧氏女許字顧某姚氏女許

字某人習子綬女許字某人夏氏女許字申墉顧氏女許字

陸炯吳氏女

蘇州府志卷第六十九

蘇州府志卷第七十

列女三

崑山縣

元

謝烈婦崑山沈度一妻年二十八孀居將終焉至正壬辰方谷
珍剽掠女婦甚衆謝度其姿容不可免自謀曰河去遠吾不
能赴水以全屍苟得全吾志可矣因積薪縱火自焚

明

薛氏崑山銀工女嫁縣小吏邵某洪武初邵坐法當死送京師
婦時年二十餘蒙垢莫能掩其麗將行押卒見而悅之謂邵

曰若欲生致都下盍使事我否則促死矣邵懼曰如命乃密呼婦語故婦曰吾身潔污君不得知君身不可復生矣佯應曰諾乃盛備酒饌餉邵至暮遂自縊於粉閣中隣里爲葬之今冢在西湓瀆村彭氏菜園中卽當時粉閣也事久湮沒天順末鄭進士文康得於表姑葉氏之言爲作傳以表之

水德妻李氏名惠年十九夫亡誓死弗二洪武十年以同籍兄事逮繫至京或脅之曰若適人則可全李曰吾不以危難棄禮義雖萬死無悔事聞護送還鄉時家業盡入官僦屋寄居紡績自給又食其兄姊之孤女三人至洪武三十年旌表

陸安妻鍾氏洪武中安父以事逮京師議大辟將磔市而安初婚謂鍾曰吾不忍吾父死吾將代刑汝其奈何鍾曰君行我自處安往竟死訃至鍾遂自經

鄒麟妻沈氏洪武中麟沒於陣沈誓死不二隣嫗或勸其青年無子可更爲身計輒泣然曰移天而覲非望獨何心耶指所居室曰必死於此竟以哀毀成疾年二十八卒

陳氏崑山小民陳演女嫁浦家奴黃福安未暮而福安卒將殯陳攜孤撫棺哭之哀甚至夜遂經死

王素湖涇農家子年十四嫁朱佩越四年夫亡父母憫其早寡無子潛以適人婦覺之乃縊

潘紹宗妾金增崑山人紹宗早卒金有貞操里人欲謀以其實

聞表厥里居金聞而止之曰朝廷著令年二十九得聞三十不得聞也里人曰降一在我無難誰能知者金曰此非吾所安也遂寢其事

以上姑蘇志

鄭忠妻何淑寧年二十四夫亡舅姑皆八旬家貧紡績自給課二子庚壬成名年八十三而終後庚卒婦沈氏青年誓守時稱雙節

唐士則妻曹氏士則商死鄱陽湖曹年甫二十子在襁褓舅目眇姑又未疾曹扶持保養未嘗少怠鞠孤子成立鄉人稱其

節孝

秦約作傳

諸生彭餘璋妻鄭氏字宜君壬女歸彭再期餘璋卒子方周晬

氏抱持號哭三日成殮淚盡不能言乃託遺孤於兄文康赴

水死時正統癸亥十月也年二十一有司以聞詔旌其門曰

貞烈

姑蘇志參縣志

吳氏吳澤女嫁縣吏沈濬濬病危時鄭宜君方死節鄉人皆歎

異之吳默有所感後一月濬死殮畢從容洗沐更衣自經後

濬死纔五日年二十九

姑蘇志

周瑄妻黃寧舉人黃鐸女年十九歸周二年瑄卒矢志不二姑

病痿十餘年百方求療弗愈有老嫗勸事觀音大士因肖大

士像晨夕百拜凡五年忽夢大士曰汝每九日扶姑起坐至

七度則愈矣時姑病篤聲觸卽死不得已如法扶起漸覺不

難至第七度扶至大士像前爐香忽躍起踰梁而下正中姑腦有聲如雷由是步履如常人稱孝感縣令羅永年遺米二十斛以助其養及卒李應禎表其墓

鄭有光妻朱端卿年十六而寡以節自誓事姑徐盡孝所居一室足不踰限弘治間旌其門曰貞節年九十終

沈仁妻楊如蘭年二十一夫亡哀毀瘠立溺水者再舅諭以不奪其志得少解仍築二壙以自誓年六十餘卒其妹德蘭許嫁戴忠忠疾信日者言迎德蘭歸未婚而卒德蘭年始十六依孀姑以居其母使人諷之遂拔髮自誓竟不歸寧三年姑病疫家人畏莫敢近德蘭日奉湯藥扶掖臥起因染疫而卒

王士妻陸氏土病革語氏曰我死汝將安歸氏曰吾自有處必無他志為君辱也土死氏即不食乘間焚楮作禮闔戶自經去其夫死纔七日年二十有二其居在西湓瀆村薛烈婦鄭宜君並殉節邑人名其里曰三烈先是陸氏墓在晉福橋自烈婦入王士門墓園枯竹更青三年三生芝草皆雙莖四年芝不生而烈婦死節此嘉靖初事也

歸有光撰傳

周鑑妻王氏少通經史年十八嫁鑑五年鑑死誓以身殉所親論以撫孤明志已而二孤相繼夭從容自縊年二十七嘉靖十九年旌

歸有光為墓碣

趙大韶妻魏氏大韶早死氏儻居一椽隣婦罕睹其面晝夜績

竟則以筐置戶外仍闔其廬里人見之曰此節婦紅也爲售
 錢易米薪餘錢仍市苧置戶外氏乃啓戶取之進士諸邦憲
 魏出也以名教自任重氏節時饋問所受惟瓜蔬邦憲一日
 往邀氏歸不許復令其妻固邀之氏乃至至則邦憲夫婦盛
 服出迓肅氏入具盛饌氏怫然曰吾以甥爲廉今如此豈爾
 然不滓者耶不顧而返肅神微顯志
 生員何天衢妻周氏鄒平王教授可立女初可立教授長興天
 衢夫婦隨之天衢病禱醫無效有老嫗密教婦割股且戒弗
 言言則三年當死婦潛割股和椒湯進之良愈天衢見婦有
 癍痕固問之婦不敢隱後三年果死

陳可樂妻王氏歸陳五年生子唐方二歲可樂病劇謂氏曰伯
 兄無子可以兒予之氏慟哭投地曰養老字孤吾事也剪髮
 自誓夫卒事姑楊氏加謹孀居四年言動以禮晚患目眚唐
 欲延醫治之氏曰我寧死不能出手與人診視也年六十五

卒歸有光
銘其墓

張烈婦里涇人夫死夫之弟攘其田廬逼嫁之婦遁逃兄所夫
 弟偵其兄出劫以如所許陸氏者爲婦婦卽絕食陸氏婦女
 老嫗日與居說之不荅竟縊死陸歸其尸葬於故夫之旁時
 嘉靖三十四年十月晦也歸有光
書其事

陶子舸妻方氏蘄水令玉岡女年十八歸子舸期年而寡氏悲

哀數欲自經或責以姑在因俛默久之姑亦寡居同處一室甚相憐恤卜葬子躬卽自爲穴其傍後九年姑歿含殮畢入室屑金和水服之不死投井隘不能下夜投舍西水中手持菱根牢不可解家人得其屍面色如生遂啓其自置之壙葬之嘉靖四十二年旌歸有光作傳

生員龔濂妻周氏年十七適龔不三年濂以癩疾走死於外周卽欲自經其姑沈氏止之曰爲夫立後死未晚也因立族子文楷爲後遂不食而死

尤氏崑山貢生鏞女嫁諸生趙一鳳早死將殉之顧二子方襁褓爲彊食二子復殤慟曰可以從夫矣痛夫未葬卽營窀穸

惡少艷其色訾其目曰彼盼美而流烏能久也婦聞之夜取

石灰按目血出立枯寘棺自隨夫葬畢卽自縊或解之乃觸

石裂額趨赴棺中死明史

生員沈象賢妻王氏年二十七象賢死遺三孤課之如嚴師每

日使人目吾子爲無父之子卽愧死矣及三孤皆授室子婦

歲時上壽必堅臥不起以諸子不能讀父書每風雨孤燈徘徊

顧影輒淒然泣下晚歲長子守愚次子守謙皆死又育諸

孫成立年八十八無疾而終萬曆十六年旌

沈蕃妻張氏年二十七夫亡子甫週歲誓以死殉嘗與姑訣服

滿兒不須乳此我死之日矣氏蓋以夫家不知禮而索逋者

意欲取償於氏也既終喪乃設几筵哭泣乳兒畢自經死萬
歷壬午年事也

楊一夔妻顧氏嫁三年一夔被酒出浴溺死氏痛其非命必欲
死之其舅日森以撫孤勉之無何子又死乃自經於牀姑救
之復甦日森大呼曰新婦獨不念吾二老人耶因痛哭七年
日森死氏念姑雖老病幸有四女足相慰解以已在反爲累
一日伺姑偶出卽距戶更新衣自縊衣裳三襲皆縫合先是
葬一夔預爲已壙死之日卽合葬焉年三十一

歸善世妻陳氏年十九嫁二年善世疾亟遣歸與母居氏泣曰
妾無歸理君卽死當隨君善世死卽拔劍欲自裁母抱持奪
劍謂母曰兒已許夫死矣自言宜死者四無子宜死年少宜
死舅姑老異日無依宜死舅姑自有子奉養無須我宜死母
守之三日夜又謂母曰兒一刻生卽一刻如刀刺願聽兒死
婢以糜進則以置善世前曰君食我亦食舍尸以玉珥留一
自含曰泉下以此爲信母知其不可奪乃從之相對縫裳市
棺治殮沐浴更衣出拜舅姑歸寢縊死時萬歷三十三年十
月十四日也

顧懋宏妻朱柔英崑山人懋宏官知州有才名而柔英與之揚
權古今倡和爲聲詩所著雙鳥擣衣二賦及三體諸詩音節
逼唐人刻有雙星館集

顧應元妻房氏甫婚一年應元與父早出隣舍失火氏披衣疾呼姑出走惶遽索中衣不得奮身投火死應元歸視之下體成燼上體顏色如生

支纘武妻陳氏婚一月纘武病將死語妻父曰妻年少必嫁之既殯氏絕粒十有一日死事聞旌表建祠學宮之右

太學生張必昇妻陳氏年十八必昇死氏誓不食姑亦弗食相持七日大慟曰我死姑矣勉復食奉姑三十年姑卒喪葬具禮乃歸父家父鑿夫婦亦老且貧氏以十指自給又三十年御史旌其門賜粟帛歷二十四臺皆恤焉卒年九十六

周存恒妻郁氏年二十夫亡存恒故姓王繼於周病亟周姓之黠者令郁別舍欲存恒殯王氏墓郁攜孤縮寢地而陳靈几如是者十年卒依王氏晝夜緝績以活盲姑積所餘凡三十年翁姑與存恒乃克葬卒年七十三

孫世昌妻范氏少寡守節嘗割臂肉療姑病

贈光祿卿張振德妻錢氏暨二女淑安淑慶振德知興文縣妻女並隨官舍天啓元年奢酋陷興文振德命錢及二女各持一刀坐後堂曰若輩死此吾死前堂俄而賊縱火孺人與二女先刎死振德令家人亦舉火火熾自剄一門死者十二人

明史參崑山人物傳餘詳振德本傳

方夢嘉妻瞿氏生一子一女夢嘉死瞿晝夜泣不成聲有姨母

強其改適瞿私謂其女曰若與弟善事祖母餒無啼吾死母更殮可以擔土葬汝父旁女穉小不甚防守黎明不見母而泣已投繯空舍中絕矣崇禎二年二月二十日事

諸繼祥妻陸氏繼祥族叔宗性姦淫居道褐浦慕陸謀與同居數挑陸陸每密防之一日天未明呼繼祥出市乘間踰牆入抱持求合陸厲聲大呼宗始捨去繼祥歸泣告之懦弱不敢伸憤乃距戶自經死年二十一崇禎三年四月事

周氏女幼許字王道正年十五夫殤矢志守貞久之父歿弟懈私許蔡姓女卽自經復自沈皆以救解年逾三十舅迎歸哭夫墓甚哀執婦道甚謹至老而卒

陶性友妻衛氏十八而婚未半年夫亡屢自縊以姑命止姑病輒晝夜不寐雖涕洟必手拭而口吮之姑歿乃撫叔之子爲子性嚴親戚希見其面有病亦不就醫所居雖蓬戶人莫聞其聲年六十餘縣旌其門

景運昌妻陳氏嫁未期夫亡氏求死姑止之氏曰我宜死者三舅姑有長子可終養一也已無子二也身出儒家知義理三也越十有八日卒自經初運昌病氏父來視聞死頓足曰吾女死矣其見信如此

周汝蕙妻孟氏年十七歸周時汝蕙繼其叔鳳來後孀姑趙氏性嚴刻號難事氏獨委曲得姑歡後汝蕙以族人爭之告歸

宗又事姑劉氏惟謹姑安焉汝蕙死無子氏薪水不繼周旋兩姑間問餽無缺人稱節孝

顧升陸妻周氏冀州守鼎新女夫亡守志隨父母北宦次吳城鎮遇盜有僕欲襁負之潛伏於柁氏勃然躍入水死

陸朝棟妻顧氏年二十五夫亡誓殉父母與姑共持之逾百日絕粒死顧錫疇有傳

王貞女太僕卿宇之孫諸生述之女字侍郎顧章志孫同吉未幾同吉卒女卽去飾白衣至父母前不言亦不泣若促駕行者父母有難色使姬告其舅姑舅姑掃庭內待之旣至拜柩而不哭斂容見舅姑有終焉之意姑含淚曰兒不幸早亡奈

何累新婦女聞姑稱新婦淚簌簌下遂留執婦道不去早晚跪奠柩前視姑眠食外輒自屏一室雖至戚遣女奴候視皆謝絕曰吾義不見門以外人後姑病女服勤晝夜不懈及病劇潛斷一指煮藥以進病立間後立同吉從兄同應仲子絳爲嗣卽炎武也崇禎九年詔旌其門及遭國變不食而卒年

六十

明史參舊府縣志

李氏女許字張晉蕃張歿女誓不改字後女病劇張母率所應嗣子來視女斂容曰幸識吾姑撫嗣者頂鳴咽數四絕粒死羅季倫妻董氏季倫死其友稽一往唁見氏色美遣姬致慇懃告以無婦欲娶意氏大怒不荅後稽一昏夜往犯氏持椀逐

之擊破其首號泣自縊時崇禎十四年五月十八日也氏兄質夫訟於縣縣不問而嵇一竟以頭破死

微顯志

蘇賦才妻黃氏賦才家貧治腐酒爲業然性孝尤好學讀書必至夜分稍間則偕黃磨腐以代親勞崇禎甲戌賦才病亟呼黃與訣黃曰吾見子忍飢寒以飽暖父母父母不憚必捧其面撫其背作小兒狀以悅之子如不諱當代子職以報賦才死黃年二十三止生一女每毀容慟哭舅姑亦哭黃憮然曰我以舅姑在故不死不可更重其哀乃更以言慰舅姑事之甚謹歲大禋糟糠不給然堂上之供不缺乙酉崑城潰女先入井黃爲兵執不從見殺

諸生胡泓妻陸氏陳墓鎮人乙酉七月崑城陷泓時遇害氏抱三歲兒欲赴井死飛騎突至索金錢不得繫之行氏徒跣被髮解佩刀自毀其面兵怒摔懷中兒擲地撲殺之氏痛罵不絕至維亭揮刀剖腹而死時方懷孕年二十一

蔡懋良繼妻張氏夫亡值兵亂二子皆前母所出欲偕之避兵氏曰未亡人得死爲幸豈可奔走道途以自取辱投池中死次子方燧不忍捨其母留侍不去遂遇害其妻張氏與姑同投池中三日不死兵去家人救免守節四十年

諸生潘爾成妻姚氏有女年十八同被兵執至朝陽門樓女大罵兵怒推墮城下死母亦不受污并殺之

蔡氏吳縣人崑山太學生顧錫着妾年二十九錫着死蔡撫二
孤成立城陷時顧一門二十餘口俱罹難長媳王氏年十九
懷孕八月兵將污之王奪刀欲自刎兵揮刃斷其首又欲劫
蔡氏蔡赴水被數槍死

諸生高明妻顧氏年二十二城陷被執號罵不肯從取剪刀疾
刺入口兩手力按之決頤斷喉死又有章某妻朱氏晉丹妻
馬氏俱投井死

管氏民家女生而幽靜父文華愛之許字包宗賢無何病死女
泣告其母衰髮往視殮遂止姑舍父母固強之歸乃住小樓
禮佛粗服蔬食不下樓者十三年邑被兵時或勸之出口我


應死久矣將何之乃扃戶自縊年三十 以上俱通志
舊府縣志

監紀歸昭妻陸氏教諭歸繼登妻張氏避兵北城戴氏菴城破
兵掠菴中張投於池兵牽之上岸不從見殺陸不及走被二
創仆地尋卒

李采晨妻周氏少寡苦節聞兵至即自誓曰倘崑城有變當縊
死五貞祠內以成六貞城潰果踐其言

周忠言妻鄭氏少寡依母家守節城被圍鄭與姪女婦指一井
曰此一門安身地也城潰俱入井

陳天中妻張氏城破天中被殺張先服金環未死為兵昇出城
逼令登舟張急抱樹不可解被射死



上永慶妻沈氏城陷永慶語沈曰我一家盡此刻矣沈顧而笑
夫婦同縊山巔觀音殿側

諸生朱國軾妻黃氏國軾父負傷國軾抱父同溺死兵遂逼黃
行不從死之

金幼明妻許氏城破語幼明曰我一人死門首一家可全也卽
縊於門兵屢至果不入卒全其家

孫世達妻李氏其家業澆燭城陷罄其燭油塗於室積薪圍之
兵至卽舉火李氏姑媳夫婦母女及家僕十餘人環坐誦佛
焚死其長女及婢春梅先令投井

徐澂妻任氏徐洺妻陳氏澂妹吳行貞妻城垂破三婦以繩聯

縛同投道堂橋河中

王汝名妻張氏被執至城上夜二鼓兵熟睡張奮刀斷縛取其
刀砍死一兵其一躍起刺殺之

高振南繼妻姜氏夫死撫前妻五子甚有恩城破率婦女投河
死

沈伯宣妻張氏女兄爲蔡伯謙婦皆寡城破相謂曰我二人將
入水衣重襲恐爲菱藻所繚不能卽死奈何遂各去其上衣
之長者自投於河

曹廣先妻張氏兵至率三女以汗巾聯縛赴水死

上林苑簿朱漢徵妻張氏攜女投荷花池死

太學生徐永芳妾沈氏孀居守節兵至大罵死之

徐原妻某氏見夫被殺負之歸且哭且罵兵怒殺之

季祖三妻蘇氏避亂白田兵過舉家被擄蘇立房門兵釋戈笑

迎蘇暗執鐵錫在手急擊其面眼鼻俱削立仆地死他兵殺

之

錢子靜妻袁氏避兵桃源場兵執子靜欲污袁袁於兵後掣其

刀自刎

某人妻陳氏城破夫死兵驅之去氏曰須瘞我夫從之兵置酒

舟中氏亦共飲酒半氏請觀刃就刺兵而自刎

某人妻王氏城破被執求死不得託病延醫泣請毒藥醫與之

投飲食中與兵同死

楊泰三女皆及笄未嫁泰守陴死三女相謂曰我姊妹生相聚

死亦不忍相離乃解髮相結赴水死

諸生徐德基女年十二兵拽至半山橋女臥地嚙兵足被砍死

趙瑞甫妻張氏朱敬山妻蔣氏唐欽明妻朱氏宋子弗妻楊氏

四人皆不受辱死又黃爾梅妻夏氏夏都妻茅氏媳王氏陸

伯元妻姚氏陸世齡妻朱氏及一女李瑞徵妻張氏周璠妻

王氏及三女周完初妻諸氏李某妻蔣氏朱與明妻龔氏皆

投池塘死徐及源妻孫氏金履正妾劉氏及婢冬桂董繼高

妻王氏皆自縊死朱英甫妻任氏朱紹山妻顧氏皆與夫同

縊死王季人女王敬山女皆投水死諸士蓮女夏惟善女方六歲皆投井死

以上俱徐秉義忠烈紀實

顧琳妻全氏兵至與琳訣以古錢繫衣帶為識城破為兵所劫氏給曰有金珠一囊藏橋下可往取至則躍入中流兵怒以槍刺死後琳跡得其屍狀貌如生古錢猶在

周君行妻石氏乙酉被掠閉舟中至胥門將汚之氏佯曰若衣腥難近我為若洗從未晚也兵大喜解氏授之推蓬令洗急投入胥江死又鄔仁甫妻朱氏顧太初妻諸氏沈崗妻王氏及一妹一女俱不受辱投井死

以上俱微顯志

歷年旌表貞節

嚴華妻陶氏洪武七年旌范安妻凌氏洪武十六年旌王友諒妻陳氏宣德間旌祝晟妻錢氏航凍涇人張元甫妻楊氏俱天順間旌刑部主事盧瑛妻夏氏太常景女成化五年旌夏衡妻吳氏弘治十一年旌進士張經妻龔氏弘治間旌生員王時雨妻項氏嘉靖二十一年旌生員吳雨妻張氏隆慶三年旌沈瑞妻胡氏萬歷元年旌監生吳珊妻金氏萬歷四年旌顧履祥妻周氏萬歷三十二年旌葛緯妻周氏萬歷三十三年旌監生周汝夔妻徐氏夏有璠妻沈氏姜渭枝妻王氏俱天啓四年旌監生王甘節妻支氏天啓六年旌陸明孝妻金氏天啓間旌生員徐應時妻諸氏崇禎元年旌生員王協嘉

妻魏氏崇禎三年旌何瑜枝妻張氏曹文明妻張氏吳之望妻李氏側室李氏高紹金妻趙氏呂成性妻陳氏戴褒之妻顧氏俱崇禎間旌

未經旌表貞節

蔣喆妻許氏王原甫妻徐氏王佐妻陸氏陳生妻馮氏鄭子方妻張氏朱國鼎妻張氏王銀妻吳氏丁潮妻許氏陳志德妻龔氏許承喆妻汪氏任鳳鳴妻蘇氏朱瑞禧妻顧氏陳允恭妻周氏生員張喆妻盧氏孫承陸妻虞氏王志周妻顧氏王伯極妻沈氏訓導諸敏妻龔氏歸紹唐妻俞氏戴霖妻盛氏沈堯薦妻薛氏姚起虞妻唐氏陸湘卿妻張氏楊洪妻周

淑真徐孝妻潘妙真王時妻范氏顧維翰妻吳氏管大年妻

趙氏徐登瀛妻梁氏夏都妻茅氏易

一作許

春江妻郭氏

以上見通

志舊府縣志

夏景澄妻葉氏

文莊公女

夏所存妻沈氏顧廷輔妻吳氏

唐愛貞繼妻邵氏汪國正妻王氏

以上俱微顯志

本朝

○顧氏雙貞女明錢塘令咸建女名絃許字葉世偁未婚世偁天絃誓不改適及咸建死節絃去爲女緇咸建弟咸受女少受朱氏子聘朱氏子死亂兵中女年十二謝膏沐礪志守貞與其姊稱雙璧焉

通志

○高婦李氏李子柴女乙酉後子柴棄家歸釋氏年十餘歲母

死家廢因歸高爲養媳能事其姑既合卺生一子夫死姑繼
歿遺產皆夫兄有之氏抱孤儻居不蔽風雨績麻爲食體無
完衣或爲尢其夫兄氏正色曰彼自謀不給安能及吾

○陳廷瑋妻張氏年十九嫁廷瑋家貧訓蒙不能給氏佐以女
紅未幾廷瑋卒氏慟絕勺飲不入口父戒之曰吾惟生汝汝
死吾何依氏泣曰兒不能復事父矣願割慈自愛乃檢廷瑋
所讀書作枕曰吾持此以慰吾夫遂臥而死康熙六年事

○李芳備妻王氏嫁四年夫死無子居七載芳備弟生子氏撫
之成立督課爲諸生舅沒後寢姑室有盜夜入氏以身蔽姑
盜擊之數十不動乃捨去氏之伯姑陶氏姒馮氏娣梅氏皆

早寡守節終身

○王引諒妻吳氏夫亡遺四子中甸娶孫氏壬觀娶朱氏卜澗
娶李氏戴公娶陸氏皆未及三十而寡各守志數十年同奉

孀姑稱王氏五節以上俱
微顯志

○王孚繼妻朱氏年二十七夫亡孤喆生方五歲一在襁褓舅
志長臥病累年氏躬親湯藥籲天請代課喆生成進士入翰
林康熙二十三年旌

○王同欽妻周氏夫亡無子舅又歿田屋悉售去迎姑養於母
家寒夜姑擁爐臥失火焚其居氏奮身抱姑出體髮皆焦卽
其地結茅侍養與同臥起以至於終康熙二十三年旌表周

故無家里黨以周本姓朱為朱恭靖五世孫女因樹坊恭靖祠旁

○胡滌時妻趙氏年十七夫亡無子父母令改適氏聞即自經以救免欲娶者訟之官官命成其志依母以居母恨其不從命略無顧恤氏紡織自給時以甘旨奉姑姑病歸侍湯藥營殯葬苦節四十年卒

以上俱舊府志

○沈元鼎妻徐氏年十八歸沈結褵之夕元鼎驟死氏以節自誓事翁姑孝謹戚某諷以年少宜改適氏大叱之戚駭走終身不敢復見將卒嘆曰吾今而後乃成為沈家婦矣

○陸肇聖妻周氏夫亡翁惑於後妻逼氏改嫁氏誓死不從依父母以終氏能詩有鵲音草數百首

○王昭齊能詩有織楚集五百餘首自述二十五歲守志音節酸楚

○鍾山英妻張氏夫亡無子哀慟絕粒七日仍自縊

○顧素涵妻陳氏嫁四月夫亡哀慟自經

○張氏女名娟許字沈若濤未婚夫亡女悉焚所製衣請於母歸沈氏舅姑見氏年少不欲遽留女知舅姑疑已即返母所夜閉戶自經死乾隆四年旌

以上俱微顯志

○趙氏農家女許字唐立期將婚夫病死女聞訃向隅泣潛局戶自經死年二十三唐氏迎其柩與立期合葬康熙五十四

年事

○顏氏民顏穀女兩兄相繼死父母貧且病女誓不嫁與嫂郁

日夜紡績以養父母營葬祖父兄三世心力俱竭卒於乾隆

元年年四十一

以上俱唐德
宜崑新志彙

歷年旌表貞節

○吳元鳳妻孫氏陳兆寧妻曹氏郁懋賢妻陸氏徐允美妻潘

氏監生朱復新妻葛氏生員陳言先妻曹氏監生徐永妻浦

氏鄭玉珮妻支氏鄭敷政妻葉氏鄭嗣昌妻徐氏舉人顧晉

瑛妻潘氏王國璋妻陳氏方脩緒妻潘氏貢生葉清妻李氏

生員顧升明妻朱氏金來鵬妻劉氏盛雲路妻許氏王思友

妻張氏秦君選妻王氏張大業妻馮氏沈際飛妻鈕氏生員

李邦靖妻徐氏夏國祚妻潘氏俱康熙年旌潘大良妻江氏

朱來震妻沈氏生員龔際飛妻沈氏俱雍正元年旌監生葉

肇起妻徐氏魏宗頤妻王氏徐鍾麟妻陳氏葉如清妻李氏

俱雍正二年旌陸宏業妻陳氏生員張鑿妻吳氏姜廷輔妻

朱氏俱雍正三年旌秦宓妻盛氏雍正五年旌生員許元璋

妻柴氏生員許南金妻陸氏許孝穎繼妻王氏董振楷妻楊

氏俱雍正六年旌夏乾德妻朱氏吳申妻何氏陸睿侯妻李

氏生員陳璜妻錢氏王成易妻李氏許字吳國鉦張氏女俱

雍正八年旌潘昱妻沈氏陶秀卿妻顧氏俱雍正九年旌生

員陳繼緒妻沈氏張惠卿妻王氏生員龔灝妻趙氏金元調妻顧氏顧佩玉妻龔氏徐日榮妻蕭氏徐仁生妻朱氏生員陳汝旭妻沈氏葉均祿妻吳氏曹宗鐸妻王氏俱雍正十一年旌生員張源潛妻王氏陳振新妻顧氏許字朱友桂蔡氏女俱雍正十二年旌生員王元遵妻周氏費志遜妻顧氏朱倩玉繼妻蘇氏楊敘銓妻顧氏孫有馮妻張氏宋養淳妾黃氏俱雍正十三年旌顧絳安妻闕氏周文愷妻姜氏顧調士妻胡氏朱循良妻周氏朱堯年妻姚氏許良初妻包氏蔡履恒妻陸氏蔣元昕妻薛氏王敬臣妻杜氏朱榮妻張氏唐雲瞻妻陳氏俱乾隆元年旌朱而綺妾張氏程端侯妻李氏諸

宗認妻陳氏陸維祺妻陳氏洪懋學妻陸氏龔元善妻符氏鄭振民妻吳氏王亮疇妻周氏李方培妻王氏王爲綸妻李氏徐奕恕妻葛氏趙廷璋妻方氏俱乾隆二年旌前明海南道顧瑩妾孫氏徐世涵妻諸氏生員夏日熙妻張氏黃茂才妻施氏秦綸妻吳氏秦夢龍妻周氏生員孫鳴玉妻徐氏生員徐顧榮妻余氏羅俊卿妻凌氏龔柏年妻唐氏龔瑞先妻陸氏趙秉恕妻徐氏許字周祺張氏女俱乾隆三年旌夏世榮妻陳氏金文立妻湯氏包南士妻陸氏生員姚舜年妻陶氏周宜生妻顧氏陳聖言妻王氏浦正國妻俞氏支神驥妻顧氏周允昭妻邱氏顧中在妻屠氏諸紹基妻顧氏唐秉淵

妻馬氏生員俞魁倫妻呂氏陸聖麒妻馬氏錢瀚妻陳氏顧爾瓚妻徐氏弟爾球妻姜氏顧復一妻趙氏陳應進妻何氏俱乾隆四年旌陸開芝妻黃氏生員柴黃始妻李氏李世琪妻邱氏顧上衡妻吳氏龔廷璧妻范氏翁鶴九妻趙氏陳博儒妻陸氏李若曾妻朱氏朱三辰妻王氏王亮疇妾朱氏朱天桓妻顧氏吳思明妻方氏鄒玉全妻朱氏陸潤芝妻晉氏王文恒妻張氏朱仁輝妻徐氏沈中立妻徐氏弟迥妻顧氏俱乾隆五年旌楊全甫妻邵氏子裕昆妻張氏張桂發妻顧氏王維周妻金氏張鳳苞妻王氏妾徐氏王德修妻葛氏顧震名妻朱氏孫唯一妻王氏姚永泉妻戴氏沈希範妻張氏

沈諧妻徐氏沈千齡妻顧氏潘璉妻張氏妾陸氏馬天成妻羅氏周紹臣妻嵇氏弟仞千妻金氏李乾治妻邢氏趙汝潤妻王氏張天申妻程氏倪茂芝妻周氏沈天秩妻黃氏俱乾隆六年旌彭呂妻施氏董學詩妻徐氏賈煥文妻鄭氏包元鈞妻祁氏王佳文妻朱氏周聖修妻馬氏馬如圭妻朱氏職監馬鳴珮妾徐氏孫葵妻韓氏畢子美妻胡氏程敘先妻金氏李永徵妻凌氏葛樂中妻沈氏俱乾隆七年旌張近三妻錢氏蔡升伯妻曹氏杜亦鶴妻陳氏陳幽妻徐氏沈文煜妻盛氏任永錫妻許氏鍾迪哲妻張氏李璋妻周氏馮聖五妻陸氏王自甄妻陳氏曾席珍妻戴氏許字郁文伯王氏女俱

蘇州府志 卷之十一
三
乾隆八年旌吳廷瑞妻朱氏沈孟常妻吳氏葛麟之妻秦氏
監生高式南妻葛氏職監徐德高妻黃氏陳翼聖妻李氏朱
雲章妻張氏陳應達妻龔氏徐景妻張氏生員葛黠妾王氏
俱乾隆九年旌李天錫妻顧氏葛耀中妻孫氏鄭元烱妻朱
氏弟元焯妻陸氏吳器如妻顧氏李懋初妻陳氏俱乾隆十
年旌

未經旌表貞節

周道行妻李氏蔡國用妻陳氏夏敬賓妻張氏陳湛伯妻顧
氏魏象旭妻王氏庠生何崑妻王氏祝天聞媳王氏曹萬應
妻陳氏何煥妻王氏胡周玉妻屈氏鄭載朱妻陳氏陳觀民

妻陶氏管玉輅妻趙氏俞良棟妻邵氏王雲粲妻周氏趙性
孚妻俞氏陸用光妻王氏杜素侯妻葛氏張在公妻韓氏孫
德盛妻王氏蕭廷鎮妻陸氏繆起鳳妻歸氏鄔吳澄妻吉氏
王舜一妻邵氏陳秉忠妻狄氏王磐侯妻柴氏諸兢如妻陳
氏王方修妻黃氏生員王爲綸妻顧氏生員陸御龍妻金氏
生員葛脩健妻陳氏生員王朱溥妻朱氏俞翰臣妻吳氏顧
泰交妻徐氏生員諸大昌妻鄭氏張价藩媳施氏周仲輿媳
顧氏監生張咸繼妻朱氏徐與霖妻顧氏徐周肇妻夏氏僉
事莊朝生妻黃氏顧二求妻邵氏陸允石妻諸氏徐與磐妻
許氏李遙功妻葛氏王迪慈妻秦氏戴聖吉妻姚氏吳殿鳴

妻周氏盛翊廷妻錢氏趙士侃妻丁氏張士芳妻王氏鍾紹
宗妻顧氏吳維藩妻顧氏李枝昌妻王氏王柱國妻柴氏葛
鴻漸妻王氏顧心宇妻何氏許字徐德符葛氏女許字劉盛
山馬氏女許字鄭秉鐸孫氏女許字顧天民葛氏女

新陽縣

○陸士珣妻孫氏舅姑有疾輒呼天祈禱姑亡一慟欲絕遂以
哭姑殞命乾隆二年旌

○嚴汝鑑妻沈氏姑偶失足墮河氏號泣赴援幾至同溺幸以
救免乾隆三年旌

歷年旌表貞節

監生諸德滋妻葛氏雍正四年旌李啓祥妻卞氏雍正五年
旌方沆妻龔氏方天恩妻馬氏俱雍正八年旌生員楊瀛妻
周氏夏霏妻鄒氏子桐妻莫氏夏彰妻王氏邵宗冉妻吳氏
王唯宗妻何氏夏彰妻王氏張紹宗妻鄭氏王紹緒妻李氏
朱之璇妻方氏何學詩妾黃氏俱雍正十一年旌金宗瀛妻
郁氏生員夏高斌妻周氏監生浦爲綸妻闕氏俱雍正十二
年旌顧繁祉妻馬氏邵冠六妻呂氏俱雍正十三年旌生員
王肇慶妻陸氏石御成妻胡氏金若棟妻沈氏袁大備妻石
氏李仲麟妻唐氏朱祈旦妻陸氏鄧九儀妻王氏生員張長
茂妻趙氏趙秀涵妻薛氏周廷煥妻俞氏許字顧茂昭蘇氏

蘇州府志 卷十一
女俱乾隆元年旌劉紹寬妻潘氏生員朱正乾妻盛氏聞貞
先妻沙氏戴天祿妻鄒氏王紹嘉妻盛氏生員陳張縕妻張
氏俱乾隆二年旌顧如玉妻李氏郭大欽妻徐氏陸天球妻
管氏趙士林妻凌氏王禮賓妻徐氏彭志學妻王氏方順甫
妻徐氏許字高良璧王氏女俱乾隆三年旌陸順山妻盛氏
方道南妻鄔氏張君祥妻侯氏錢涵妻湯氏高騰蛟妻陸氏
王汝翼妻鄭氏汝翼弟作霖妻戴氏廖天爵妻宋氏龔瑞先
妻姚氏沈會恒妻朱氏張元賓妻支氏俱乾隆四年旌葛天
民妻王氏季體剛妻鄧氏嚴世雄妻郭氏陶禹錫妻馬氏陶
鏘妻蔡氏周興慶妻鄭氏周振宗妻徐氏戴憲章妻徐氏王

秉仁妻姚氏周文炳妻葛氏吳君輔妻俞氏周基妻俞氏朱
天章妻徐氏吳天吉妻張氏唐燦如妻徐氏戈天祿妻周氏
陳鎔成妻何氏桂大成妻顧氏許字金文昭王氏女俱乾隆
五年旌何錫永妻夏氏徐同功妻張氏子乾德妻李氏張彥
修妻周氏龔元燦妻張氏金亦章妻胡氏顧榮甫妻周氏張
道宏妻刁氏趙嗣昌妻沈氏吳鳴九妻陳氏卞國珍妻浦氏
毛鳴岐妻李氏顧良一妻龔氏洪孝章妻程氏王天章妻陳
氏金志江妻徐氏嚴含章妻畢氏張綦初妻吳氏姚惟一妻
沈氏許字榮萬里趙氏女俱乾隆六年旌孔毓璧妻黃氏金
燦如妻俞氏張顯臣妻陳氏盛翊宸妻周氏李蒼培妻周氏

陸九畹妻金氏丁久公妻盛氏毛文元妻李氏沙永年妻張氏周世爵妻錢氏陸允倫妻王氏嚴天佐妻陳氏周朝選妻丁氏俱乾隆七年旌孔崑璧妻陸氏江繼曾妻張氏毛文侯妻陸氏陸瑞妻諸氏瑞弟昭妻陳氏沈世煜妻陸氏生員顧廷榮妻陳氏張易初妻朱氏許國榮妻陸氏何大經妻魏氏陳繼宇妻張氏徐鼎妻陳氏張發妻雷氏生員顧岳材妻杜氏許俞益妻朱氏陳棟妻許氏俱乾隆九年旌朱之經妻葛氏子孫白妻顧氏龔學勝妻陶氏吳惠嘉妻徐氏徐曉馨妻周氏王藩公妻張氏俱乾隆十年旌

未經旌表貞節

王萬妻沈氏朱用皞妻顧氏王洵妾費氏朱詒燕妻鄭氏顧震脩繼妻張氏朱玉書繼妻顧氏楊天錫妻全氏

蘇州府志卷第七十

蘇州府志卷第七十一

列女四

常熟縣

宋

周虎母何氏虎知和州金人來攻母率媳與孫誓以死守虎背

城三十四戰敵乃却母進封永國太夫人語具虎傳縣志載初封感

義郡太夫人誥詞有云慈親白髮共誓丹心以春秋九十之高相為督戰無首鼠二三之志迄有成功

元

齊億妻邱氏名端一父子淵家東始村名贅億為壻億早世端一

守節靡他元季張士誠入境掠及子淵宅呵叱索金子淵不

屈而死端一驚走不得脫帥見其姿美欲逼汚之端一大罵曰強賊汝殺我父又欲辱我耶我死即訴於上帝遂投急流中死時至正十七年也姪孫泰和縣丞邱方有傳龔立本志

錢珍妻顧淑清貴之女元末之亂珍舉家欲往避江陰時珍前妻遺子友安淑清生子虎俱在襁褓行至強家灣力不能全乃謂珍曰長子不可棄遂棄虎抱友安得入城七日兵退而歸人方之魯義姑後生子友仁友義皆成立至八十四歲卒

學士黃淮誌其墓

鄧韞志參龔志

某人妻某氏龔立本云元末兵亂常熟某甲父母被掠甲以身贖父母歸婦乃宦家子通文墨夫被殺時兵欲挾以為妻婦

曰爾焚吾夫吾即從汝兵焚其夫婦以寸釘畫瓦上云我夫我夫遭此無辜感汝大孝全其舅姑我為汝妻其心如何乘此烈焰生死同途遂投火中兵急挽之已焦頭爛額矣并殺之曹鳴吉嘗云此事與清風嶺王節婦相同但恨失其姓氏耳

明

殷興益妻陸氏父德卿無子贅興益為壻洪武間德卿夫婦相繼病死興益亦卒氏攜二孤托疎族鬻簪珥以營葬祭或勸改適以資二孤氏曰聞資其志矣未聞資其身也二孤稍長力營以養竟全其節

張洪傳

黃迪妻蘇妙真父子茂贅迪爲壻踰二年生子聰甫周歲而迪卒妙真時年二十二將殮之夕自縊尸傍家人馳拯乃甦伏枕慟咽水漿不入口者三日服除里人聞其賢欲娶之引刀斷一指以示志終身不御華飾不預燕集勤苦紡績以自給壽七十二進士殷瓚有傳

夏恕妻鄭氏廉使金之妹恕河南人自刑部尙書出爲四川布政以事被戮鄭沒身爲指揮家婢主欲以爲妾不允至出金玉錦綺以誘之鄭曰此吾素所服御者固強之乃曰吾尙書夫人事不可苟必擇日行禮方可至期則截兩耳以貽之主驚啓蜀府命從其願遂爲尼以終身鄉人仕於蜀者多見之

鄧志參
龔志

金伯雍妻蔣氏及笄而歸生二子璫璞旣而伯雍父子實謫廣寧屯戍伯雍謂妻曰父行戍子安能居乎我從父於外汝養姑於家無相念也時璫五齡璞始生氏綜餘業內不失姑之養外有以供舅之乏舅與夫相繼歿氏年尙少矢節不移壽逾七十

龔志

李景中妻徐氏名秀安字貞靜景中以知歷被徵未任卒氏時年二十六子寅甫七歲紡績以供朝夕事姑朱克盡孝養寅旣長爲海寇蘇將軍所害氏年旣衰家益貧再撫孫承宗輩亦底成立年九十三正統丁卯有司以其事聞於朝部文沉

閣未及旌而沒初氏扶夫柩葬山中手植一檜旣而與合兆
檜本裂而雙枝並秀先達瞿俊見而感歎爲作李節婦傳隆
慶中知府蔡國熙表其門立祠以祀龔志參
錢志

陸茂妻錢氏縣之劍城農家女有婦道茂病癆瘵錢勤苦紡績
以資藥餌一日茂謂錢曰我病殆不起汝年少無子且貧無
依可改適無以我爲也錢泣告曰一女無字二夫者君其勿
憂先是父母因茂貧病已有異議錢默喻其意卽謝絕不歸
至歲餘茂病彌篤家貧益甚不得已乃歸告父乞升斗負還
而茂已卒哭之慟具甌飯盂羹祭畢縊死尸傍宣德十年三
月六日也以上本
季篋傳弘治戊午知縣楊子器建顯微祠春秋二

祭

某烈婦弘治辛亥歲大饑有夫鬻婦於貨糖者得錢三十七文
一飽而去婦行數十步過一小橋大呼厥夫遂投入水錢仁

夫有傳姓氏不詳稱曰三十七文烈婦管一
德志

劉士達妻張妙慶伯川之女年十九適劉越九月夫戍楚雄衛
卒於戍所父母謂曰汝少無子而遭此變奈何妙慶曰夫死
遠方不得殮殯已爲天下之罪人矣况敢有他志乎守節至

八十五歲卒龔
志

程廷珮妻吳氏居崇德里年二十一廷珮卒遺子甫五月織紵
以營葬事服闋舅慮其年少僞稱許某以探其志氏曰一女

而嫁兩夫狗彘之行也况上有舅姑下有嬰孺何忍棄去耶
遂引刀斷其左手四指龔志

桑瓊繼妻程蘭字妙香儒學里人父明成京師蘭生三歲而孤

時瓊以舉人選入內廷書武臣誥命適元配丁卒遂繼娶焉

歸一年生子克孝未幾瓊病泄歲餘蘭奉事不怠瓊既卒蘭

祖洪欲令改志乃先以柩南歸蘭哀痛幾絕一日媒來洪命

蘭易妝接之蘭以白布裹頭泣臥不出洪怒閉之一室蘭擗

踊歐血三日不食而卒時年二十六克孝九歲抱骨歸與瓊

合葬餘姚余中立傳龔錢二志合纂

朱琪妻張氏士人張仲廣女年十八而孀孝奉舅姑人無間言

兄憐其幼寡將令改嫁龔姓者誘歸要諸途氏聞計駭然適

遇隣舟因挾老嫗匿其中得返於朱引針刺傷右目以示志

龔誣訟於縣知縣唐禮廉得其實懲龔之強嘉張之節欲以

上聞因年未及而止鄧龔二志合纂

王永妻張氏年二十五夫亡無子舅姑欲嫁之氏掩戶自經家

人救止遂剪髮斷指自誓至八十四歲鄧志

高通妻鄧妙春年二十二夫亡遺腹五月生子鼎妙春紡績為

生先是遇姑病妙春割股以進病尋瘥鄉人稱其節孝至八

十三卒鼎中成化辛卯鄉試官歸州知州亦以孝友聞鄧龔二志

合纂

某人龔姚二志俱作李祐妻盧氏如臯人夫避役來居縣之白茆市授徒

以給盧與女並有姿色有蘇松兵備道役張島見而悅之島

時幸於本官藉勢兇暴羣黨相倚為害一方島欲以盧為妾

以女與其黨乃誣夫於道捕鍛酷刑使承為盜李某以夫無

賊獄未具島遂沉其夫於海中盧聞之抽刀向女痛哭曰奈

何女曰有死而已引頸受刃女死盧亦自刎島倉皇焚二尸

埋骨後圃嘉靖十七年巡按陳蕙廉得其實按治島及其黨

如律聞於朝詔建二烈祠知縣羅鴻董其役春秋予祭武進

唐順之有記錢志

余孝光二烈傳二烈者如臯盧氏與其女也並以烈死常熟白茆鄧載已入邑志武進唐順之為祠記顧二烈事甚秘歲

久始發二公俱失烈婦之夫姓氏而序事亦稍失實萬歷丁未余館茆上有父老目其事者為余言曰烈婦夫李祐如臯間師也歲祲避役糊口四方家蒼頭故虞產遂來虞居金涇酒洽其隣而不及周進貴貴銜之海豪張島怙寵李兵憲為耆民橫海上而貴即其義兒貴覘祐妻艷曝衣庭中多紈綺說島曰里中有客盜自如臯來者多藏且婦女艷島喜與爪牙周洋謀統眾捕之籍其家人悉就縛至白茆洋別室掠治冤號聲徹天鋼烈婦女於洋之寢令洋諷曰而夫生死懸吾黨手而順吾黨力能生之否即旦暮死獄耳而母女安逃烈婦泣私與女計曰父烈士詎以我姿賈禍我孱婦安能抗羣兇莫若早自裁以謝而父亦釋矣女然之盧於是如廁過庖竊庖刀還錮所夜守者睡命女自刃喉聲若鋸驚守者盧給曰甯睡聲耳頃亦自刃體戰震地守者躍起燭之兩尸枕血中潛報島洋祕不令祐知亟昇二幣襍松香黃椒焚叢篁中仍械祐過婁解兵憲以無賊弗受島洋計曰燼其妻女而縱之此自遺禍何如并沉之江以杜禍萌遂繫投之江而蒼頭得逸去後烈婦之父老儒渡江訪女無從踪跡痛哭而去嗚呼灰二烈於倒懸李祐之時祐雖存而無從覺其故沈李祐於糜爛二烈之後人其憤而莫敢發其姦久之島懸馬伽民於金涇橋毒笞之馬願捐生報萬戶怨條島諸不法事

走京口嶺直指陳蕙而失二烈事陳陽拒而陰調之具得實符馬所條下車卽命有司縛烏陳曰擢汝髮不足數汝罪盍自服時若有促烏者首服謀二烈事陳駭曰天遣自暴也遂正烏以法追二烈遺骨將別封樹弗獲而發難之周進貴已先疫死周洋獨漏網三年洋復橫民有發前事於孟令顏者令曰吾秀才時卽聞如臯二烈欲食豕肉而寢其皮不虞餘黨猶未殲也立置之法先是御史聞之世廟詔有司立二烈祠春秋以少牢祀而馮令汝弼輓以詩有身違魚腹綱常在節顯烏臺日月懸之句至今傳頌云○按龔立本作二烈祠考大指與余傳畧同惟二烈既死之後祐還過洋所從隔窗諭妻善事後夫不知其已死也三語爲余傳所無卽此觀之二烈之死在祐死前明矣乃諸志皆仍鄧志舊文錢志別載余傳於集文內亦以年代既遠傳聞異辭未敢專主一說也今故兩存之互見祠廟

孫元一妻繆氏年二十五而寡二子樓五歲梓纒數月氏每哭輒絕舅姑勉以立孤大義乃少輟哀教二子甚嚴不令交匪類樓嘗與客弈亟索棋局投井中跪謝乃已及樓舉於鄉才

名蔚起又戒曰名者上帝所忌願毋驚名僉都御史陳察聞其賢登堂稽首令門者致辭曰有嫠如此里閭之光敢不再拜氏亦從北堂稽首命二子致辭曰未亡人惴惴集木不虞大君子之貺臨也郡縣有司表其門卒年八十七

黃孝女者欽妹也適周夫亡復歸母家母衛病欽曰吾聞人肉可愈疾盍剖股以進乎孝女曰兄家督又羸甚不可死於孝此吾事也兄妹爭久之乃以利刃置所祠神祝之曰神許我刃當動乃躍而墮孝女前遂割其乳欽亦割股肉以進母尋愈兄妹皆無恙欽四世孫時雨仕至叅政

楊氏生員簡之女遭倭亂自投水倭去簡掬之水濱已稍甦倭

復至竟赴水死

蕭氏生員仕之女寇逼之女給曰所怖者利刃去刃可從寇信之方釋刀女卽取自刎

陳某妻桑氏遇寇攜十歲女投水死三日出之面如生

徐傲妻朱氏孀居值倭亂攜子敬德女招細及妾楊氏婢閨秀往唐市母家倭猝至失敬德所在朱顧女曰我嫠婦汝處子不幸罹此惟有死耳遂同女沈澤中妾婢隨之後敬德覓至死所命漁舉網忽四鯉躍起隨得四屍朱與女猶相抱如生巡按周如斗旌其門

錢氏封刑部主事體仁之女嘗割臂肉救大母趙病值倭亂體

仁匿女農家倭躡其旁女恐污及因投水家人挽出無何以臂創潰卒

金孝細訥之女母包妊五月而訥卒遺腹生女故名孝細生十七年母忽改嫁蔣某孝細嘆曰十七年冰孀一朝委地從母不若從父遂衣麻雉經父靈几前其後往往示夢於家人頗驗參政陳禹謨有傳

王某妻張氏秀敏有姿年三十夫病死家貧長夏朝夕粥一盂隆冬常并日一食會大風屋茅飛盡恐雨侵夫棺之母家乞得稻秸數束母憐之以微言諷氏拊膺曰奈何母以貧故謂女有他心哉越旬日以苧線易隣婦百錢市雞豚楮燭奠夫

訖自經柩側時嘉靖己酉九月九日也已上俱龔志參錢志

盛恩妻王氏生子賚汝二歲恩卒族人欲其改嫁數強之不可一日見其撫孤而泣目笑之道鄙語云今年張郎婦明年李郎妻何泣也氏立變色罵曰人頭畜鳴何為至於我哉吾生死於盛氏安知張李乎會歲惡絕食其弟王錦固請歸舍時大浸維舟樞母舉足且湊舟賚汝甫五歲止闕內牽母裾曰母舍此安適得非有他意耶兒寧留死於此不能從也母笑而摩其頂曰藐孤能為是言吾夫不亡矣盍從我歸依若舅錦家亦貧姊佐之治生作苦靡不為賚汝與錦子皆就傳讀書警敏錦大喜即以為子然遂欲絕之於盛姊心知指母子

間行上恩墓出一笄與傍舍兒植一柏識葬處遂絕拜掃至賚汝貴乃即柏所在崇封焉初王氏之姪亦早寡哭夫甚哀然頗言衽席之私氏曰是必不終先夫子之棄我也予惟憂饑寒死孩孺不立以負死者不自知其孤寡也今其言如此必有異志已而果更嫁姻黨稱為知言賚汝嘗欲奏母節於朝以既贈宜人法不復旌乃止

陳祖范志

丁高妻龔氏高為人侈蕩氏性柔婉視夫寵婢煦煦惟恐少忤高客死氏時年二十七遺貲獨薄誓曰曾祖姑徐安人我師也因徙家居廟旁朝夕瞻禮之教子戌成立錢謙益有傳貢生繆熊妻崔氏事姑教子孫勤慎有儀法生成化癸卯迄萬

歷壬午年百歲神明猶不衰是夏堦前有萱不植而生吐華極妍因開百歲觴閭里稱瑞又二年卒壻陳莊靖誌其墓

朱一鴻妻張氏一鴻爲童子師家貧甚朝夕不給張閉戶紡織一鴻歸相對莊如也久之益困一鴻有姊嫁諸生宗家相哀其窮爲授一廛居塘頭鎮一鴻復遠館出張借織於隣有惡少宗周者悅其容色爲俚語挑之曰有妻若是忍令其困極耶張聞之慚甚急移織他所周忽夜撼其門樞張呼隣隣亦呼乃止明日周操豚酒袖多金以啗隣是夜二鼓周挾刃入室徑擁持之張號泣疾呼髮被面頭觸瓶盎盡碎周錯愕而去張誓曰不自殺何以雪恥遂積薪臥其上火之延燒及屋隣救火火息挽張出肩背焦爛徧體烟焰猶蓬蓬然頃之少甦謂一鴻曰我得卽死爲幸醫藥水漿皆拒不受宛轉十六日以死時萬歷二年六月二十四日張年三十三也有司上其事於朝寘周於法建祠與祭趙文毅用賢爲之傳

高祥妻許氏年十七嫁未踰月祥遠出不歸煢煢無倚嚴文靖知而憐之爲授一廛又數年守節以終嗣子葬之石梅之側後有欲占其地者許數現形復憑人語曰我苦節一生此三尺土魂魄所安如不可保當訴之上帝加其罰遂懼而止且爲封樹立墓門表曰高節婦墓

本朝雍正九年追旌建祠致祭

蘇州府志 卷十一
舉人管一德母閔氏年二十九夫亡鬻簪珥半市薪米半買書
以課子飲泣失明一德舉鄉試目乃復視壽至七十

本朝乾隆二年追旌

進士錢順時妻卞氏順時登第未仕而卒卞時年三十子世揚
甫七歲截髮貯棺中以立孤自誓舅性嚴重奉事惟謹舅沒
卞治喪事必先諸叔曰吾家婦弗敢後也分財產戒世揚無
取贏曰若孺子弗敢先也世揚就外傳不假與顏色稍不如
命則對案不食涕淚交頤居恒以綱常爲典訓曰吾願汝爲
古人不願汝爲今之聞人也萬歷末孫謙益排纂苦節上聞
不報

錢順理妻徐氏工部侍郎恪孫女年十八嫁未期順理卒以死
自誓父母微諷之曰夫死而無子奈何徐曰忍死以待應爲
後者曰待之而不得則奈何曰待之而不得我則死之待之
而得不得未可知而或有異圖也我則亟死之父母知其志
決乃不復言日閉一室長齋事佛守節五十年其歿也羣從
皆有分曰我先姑之後也其敬慎敦睦知道理如此萬歷三
十四年旌

朱烈婦徐氏名二細父彬以女字朱境境有疾富民何文燭欲
娶爲妾境兄楫陰爲主謀糾黨錢省誣彬於官官捕彬及境
夫婦拷掠二細不勝冤憤乘間自經死炎天經月顏色如生

縣丞童時鳴勘雪知縣楊漣按律正罪

王氏均墩里人年十九歸郁某無何郁患瘋遂別寢氏悉力調護垂四五年郁感其德瀕危時擇良耦付託用以相報臨期語之故氏泣曰妾事君無失德何至此今夕請同衾稍明伉儷之誼雞鳴郁蹴之起蓋卽吉辰也已自經死

范五昌妻姚氏五昌游蕩傾家氏時年二十以女紅自給一日有冶郎過呼五昌氏曰不在其人慕入內室曰我寔而夫許我來也氏驚大呼其人駭走氏遂赴水死

譚文煥妻陸氏夫亡時年二十九慟哭自刎姑奪其刀迨蓋棺時欲投身入棺棺蓋壓斷二指終七之日索刀不得以釘刺喉而死事在萬歷甲辰崇禎間旌表

浦氏浦位之女守貞不辱投河死姦克唐壽伏誅崇禎丙子祔祭盧氏二烈祠

何述臯妻秦淑景陽孫女通文翰崇禎壬午述臯疫卒淑破古鏡以半貯棺半繫臂號泣覓死家人嚴守之遂作絕命詞曰生死情無異吾心戀九泉三生偕老願今日鏡重圓絕粒數日死巡按祁彪佳旌曰閨中異烈

張恢祖妻蔣氏父叔鳴罹凶禍死氏無兄弟以弱女子長號赴闕下竟白父寃適張而寡苦節四十年

本朝雍正十年追旌

章淳妻薛氏天河知縣志學女端重寡言笑年十七歸淳夫婦相敬如賓孝事舅姑內外無間言乙酉七月游兵掠城舅與夫皆被殺薛倉皇投井兵挽其手薛嚙兵一指斷之兵遂斷其顛而死經數日容色如生

蔣暹女名織素自幼禮佛誦經有出世想里嫗持錢乞繡辭曰女子手蹟不可輕示人母王歿哀毀嘔血兩自刎皆以救免乙酉六月海寇至福山將犯城父謀避僻所織素曰盜賊滿地自全最難至五日夜衣淨服焚香向母柩前跪誦金經以

泉煮茶進父夜中縊死

已上俱錢志

生員潘興玉妻時氏給事中敏之姊乙酉七月十四日城破興

玉夫婦與一婢欲出東門不數舍倉皇相失氏避道旁空宅兵隨至露刃脅之行氏厲聲曰我儒家婦豈從爾行耶遂斫之罵不絕口又斫之啜以血又斫之遂死婢伏門關上見慘狀越數日殮之色如生興玉亦死前巷

言閭如妻某氏夫婦出文學里避兵遇兵於塗牽氏去言持婦臂哭兵斷其首而殺之氏大罵亦被殺

徐萱妻沈氏萱及二子爲兵所殺二媳俱不屈死氏戟手大罵被斫數十罵不絕口而死

蕭爾亨妻許氏太學重光女爾亨爲亂兵所殺氏且哭且罵奪佩刀自刺兵怒而磔之斷其手足罵不止去兩乳聲始絕棄

尸於河

本朝乾隆四年追旌

張敬懷妻某氏與其女並遇兵誓死不污俱被殺

瞿某妻蕭氏乙酉之亂聚一家長幼泣曰吾家數口左提右挈

行將何之出門徒受辱耳偕妾婢共投井死時有陸際可女

適於宋而歸寧兵至投井死又孫蘭偕妻陶氏吳嘉鼐妻錢

氏陸廷祥妻徐氏生員程游鶴妻顧氏李尙妻劉氏馮某妻

蔡氏狄某妻某氏顧懋謹孀母陳氏妻魏氏俱遭亂恐受辱

赴水死

已上俱曾倬志

歷年旌表貞節

陳剛妻錢氏洪武十六年旌季益妻李氏洪武十六年旌陳

守恒妻陸淑貞正統三年旌吳本妻林坤正統五年旌陳復

妻鄒淑清正統九年旌吳克存妻陳氏正統十二年旌御史淳之

母王永仁妻莊氏正統十三年旌鄧志作王允仁朱亮妻陳氏天順

四年旌御史鉉之母亮兄昌妻錢氏錢悅妻徐氏天順八年

旌姑蘇志作錢景豫錢鉉妻包氏成化元年旌姑蘇志作錢宗時蔡克溫妻

凌氏成化五年旌郁蒙謙妻陸氏成化六年旌徐元亮妻曹

氏成化六年旌錢景暘妻鄒氏成化六年旌顧希秀妻胡氏

成化十一年旌錢承恩妻周氏弘治間旌御史朱鉉妾葉氏

旌表年分未詳龔泰妻張氏嘉靖元年旌舉人聞武妻顧氏

嘉靖時旌女嫁徐某亦少寡母女同守節蕭綸妻顧氏嘉靖年旌常泰妻張

氏郁汝濟妻戴氏已上二人俱旌表見鄧志徐伯妻湯氏隆慶初旌王湖

妻錢氏萬歷十四年旌仲補之妻錢氏萬歷十五年旌蔣杖

妻季氏孫以忠成進士疏請得旌徐裕德妻葉氏萬歷二十四年旌生員

陳欽明妻華氏萬歷三十四年旌周錠妻王氏萬歷間旌生

員肅福謙妻郁氏天啓元年旌宗時妻章氏提學御史史李學遷題旌

謨妻謝氏崇禎間旌錢世臣妻王氏平陽知縣陸崇禮妻王

慕貞俱崇禎四年旌嚴樸妻金氏生員錢世顯妻徐氏俱崇

禎七年旌吳文舉妻姚氏監生趙祖美妻王氏俱崇禎間旌

沈嘉猷妻陳氏崇禎十七年旌

未經旌表貞節

劉伯廣妻周妙堅張洪銘墓張容妻陳淑鼎張洪有傳弋廷輝妻鄒氏

朱伯昂妻蔡氏何以敬妻陳氏陳宣妻桑素貞葉凱妻桑素

安即素貞妹與嫂程稱桑氏三節桑悅有傳曹信妻項氏錢靜學妻陸氏言景容

妻高妙清錢叔元妻徐氏姚振玉妻陸氏徐德輝妻陳處柔

女適張惟善亦早寡守節劉熙妻高淑潤顧淮妻陳氏程景先妻瞿氏蔣

信妻顧淑真秦彥忠妻王氏朱杲妻蔡妙清王尙質妻葉氏

唐霖妻朱氏姚鏞妻戴氏蔣信妻顧氏嚴文昌妻王氏徐繼

善母夏氏褚聰妻錢氏徐完妻劉妙慈徐宅妻周氏宅即完兄時稱

一門雙節張鏐妻朱氏蔣勸妻徐氏徐斌妻盧氏劉寶妻許氏沈

常妻劉氏周聲妻楊氏章本妻孫氏沈坤妻何氏贈吏部郎
中丁森妻徐氏宛平知縣錢勳妾周氏王室妾朱氏錢文妾
曹氏許氏錢鶴年妻王氏生員鄒淑妻周氏顧堯仁妻鄒氏
生員孫四象妻沈氏瞿懋功妻凌氏李逢祥妻呂氏顧仲寔
妻陳氏周世恩妻凌氏浦名世妻蘇氏弟濟世妻朱氏錢蘭
妻桑氏顧軾妻陸氏陳龍泉妻錢氏沈困妻程妙福沈從吉
妻宋氏生員陳榮妻張氏呂敏功妻宋氏陸棟妻蔡氏馮煥
妻任氏郁宙妻顧氏蔣安妻江氏何地妻郁氏邱堅妻錢氏
生員程謙吉妻常氏吳剛妻陳氏唐一麟妻盧氏孫廷嘉妻
陳氏陳國器妻瞿氏周監妻徐氏承事郎夏文奎妻陸氏桑

良遂妻王氏居切妻季氏生員葛大信妻錢氏王煥妻李氏
黃鍾妻沈氏弟鈇妻鄒氏李天德妻丁氏生員錢輦妻王氏
陸應徵妻瞿氏舉人浦爾涵妻李氏生員錢安脩妻高氏席
允寬妻秦氏馮觀海妻曹氏生員譚遇妻周氏沈兆暘妻徐
氏易薰妻錢氏生員譚景曜妻錢氏錢濟世妻周氏陸順德
妻夏氏孫遂珍妻張氏生員錢汝爲妻夏氏何芾妻歸氏

本朝

○陸祚妻馬氏順治二年八月亂民劫掠夜入陸室殺其一家
三世幾盡焚其廬劫其家產氏從烟焰中攜六歲兒逃脫矢
志復讎匍匐公庭告哀三載惡黨並伏誅六歲兒得延三代

一脈縣令于宗堯表之

○趙烈婦某氏少歸大趙莫考其姓趙固某宦僕其僚亦同姓稱大趙別於小趙云爾氏美而莊主人數挑之不爲動一日巷遇不得脫氏泣謝曰夫人嚴知之且死敢相從乎主人乃具告夫人夫人固不妒曰我爲若媒乃貲遣大趙遠行期事竣而返主人出赴宴夫人召氏入密室盛供帳與之坐曰主人憐爾爾善事之毋違主命也夫人出戶旋閉門不得出及暮主人歸夫人酌酒相賀曰吾已爲媒請君就宿啓門而入乃寂然無聲呼之不應舉火燭之則縊死矣此順治初年事也

○李元會妻丁氏年十九夫亡絕粒誓死姑固止之乃寢食棺側無子嗣子又殤有攘其業者丁曰未亡人旦暮間耳何庸較尋請於姑歸父母家父亦無子且多病嘗指之曰吾女女而不婦可哀也然我賴以代子矣氏操作事父又事姑父與姑相繼歿氏皆葬之撫按皆表其閭雍正十一年旌

○朱亮妻蕭氏亮早卒撫子嘉徵早歿嘉徵妻許氏時年二十三撫子廷瑞又天廷瑞妻陳氏時年二十八撫子昌齡又天昌齡聘韓氏年僅十四未婚也昌齡死韓攜其雙履歸日夕對之泣不半載亦死四世貞節竟無後

○葉日光妻程氏故歙縣人明季闖賊之難避居衢州年二十

九日光卒遺孤四人會山賊竊發所在奔竄聞夫從叔貞如在虞提諸孤變服間行七日夜乃達遂為常熟人安集者有年乃卜葬地遣子迎父柩於衢將至謂諸子曰向者不死惟念汝等未成立耳今可報汝父地下矣遂不食諸子子婦孫男跪進食不應越一昔跌坐而逝遂同日同穴葬年七十有四

○許子野妻包氏居東唐市早寡事病翁撫藐孤動中禮節國初兵亂抱兒伏蘆葦中匿翁他所並得全黑夜盜入其室氏潛立給盜曰主母在彼卒得脫及盜敗人爭取贓物氏獨曰我無是也族人以田產起釁視孀孤為儿上肉氏以理扞之

卒保厥家而成立其孤天錦雍正四年旌

○趙士功妻陳氏工部尚書必謙女于歸後荆布操作不異寒女姑何氏歎曰吾今乃知陳公之家教矣鼎革時有姊寄筐篋物其家無知者姊死還之封識如故其介守如此子世鐸成進士

○宗彝妻陳氏年二十一夫亡姑老子幼孝養慈撫營葬三喪子裔昌嘗拾遺簪歸命至其所候還之一日風吹墮二絹於庭氏曰无妄之獲非我所願且失者必多冤誣訪之則染肆方意其備盜去得此釋然其一介不苟類如此康熙二十三年旌

○生員張潮夔妻于氏年二十二夫亡撫六月孤營葬三世六棺葬日遇大風雨靈車不得行氏跪伏泥淖中泣禱風雨遂止歲凶自噉糟糠力作養姑子一桂爲名諸生猶嚴訓不少寬假卒年七十有七康熙二十五年旌

○沈聘妾曹氏聘年六十餘喪其子若孫乃置簞焉生子五歲聘疾革指其子謂曹曰沈氏留此一綫若絕乎惟汝卽不絕亦惟汝對曰此子不植斷不獨生聘歿甫三月族子某某利其所有陰通媒灼夜半排闥入牽掖登舟曹悶絕舟中良久甦舟已泊岸見茅屋中列炬成行有媒媪好言慰藉曹佯謂曰吾子在彼不忍頃刻離誠得攜來撫育縱改節無所悔往

返取決時已雞鳴其家願如約媒媪簇擁登岸曹乃務面被髮哀號聲徹野旁有勸者乃厲聲曰若輩安知大義世寧有一婦人而事二夫者乎若必相逼以頭血濺此地令若輩見之於是毀其器物撞其門墻長號不絕天明觀者如堵聘有孫壻聞而來救訟諸縣令高登先按治族子追給貲產俾母子完聚於是沈烈婦名著邑中

○錢文妻徐氏年十七成婚半載夫亡依其舅啓守節啓甥顧二心艷之糾黨持械突入劫以登舟徐投水者三不得脫隣里追奪者悉負傷而逃深夜擄至其家逼污之氏破顱號泣抵死不從啓乃馳訴縣庭隸人持符至始釋知縣高登先申

報上臺巡撫湯斌懲諸強暴表其廬雍正四年旌

○李維麟女年十七將婚席稷而夫亡父欲改字女覺即不食五日幾死舅姑感其誠迎歸撫叔之子如已出刻苦勵志雖屋圯糧絕未嘗出戶或餽薪米亦不受行年七十不妄言笑乾隆三年旌

○陳某妻蔣氏潭塘人嫁貢生陳煜子早寡矢志不二父公求迎以歸有華子達者慕其色密介史茂卿為媒煜貧且老利其財許之蔣氏固未知也及往迎其父亦勸女曰若無此歲月遙遙此身何倚氏含淚不言良久云若果如此吾當屏擋衣篋少緩須臾可也至夜分失所在跡之則抱石沈村外小

溪中死矣於是公求暨煜分詞控縣獄未竟會令趙濬解任去罪人竟以賄免未幾子達茂卿相繼死有羅君亮者陳氏戚也當子達謀聘時曾居其間病中見青衣拘至城隍廟子達茂卿先在俱極刑羅以未受錢薄懲釋還尋亦卒按曾志作陳藝先妻蔣氏死時為康熙壬申九月二十九日與此傳蓋即一人也曾志太畧昭文志前後復出今錄取後傳

○王予黼妻李氏年二十三于歸越五年夫卒夜半自經姑奔救得免諭之曰吾死乃可以行爾志李泣而受命家酷貧事親撫孤備歷艱苦歲旱蝗李驅且祝曰吾以供甘旨也其稼獨完夫未葬時隣人失火延燒及屋李撫棺號慟願以身俱須臾風回火息康熙四十二年題旌其明年姑卒李哀毀甚

未逾月亦逝蓋符其姑之初命焉子元勳復以孝行上請得春秋祭

○王松齡妻錢氏姑病目氏朝夕餽之復明後患噎則進乳康熙四十二年旌

○邵氏女年二十四方許字張瑋是冬瑋未及娶而卒計聞卽吞金自盡未絕又自經死

○席永敬妻諸葛氏年十九喪夫甫生一女及三載服闋女能飲食一夕自經夫柩旁乾隆五年旌

○劉佩蒼妻張氏年二十九夫亡伯某欲奪其志訟之官笞其伯氏志益堅恩撫一女適邱斌亦早寡朝夕教女以大義竟

以苦節卒熒熒孤子艱辛萬狀令趙濬得其實將請旌氏曰吾自守吾身報舅姑及吾夫於地下耳不求聞於人也堅辭

之康熙庚寅臘月望日祭舅姑及夫焚趙令旌獎案卷而卒壽八十四

○顧曉岳妻潘淑清年二十九夫與舅姑相繼歿無子女族人覬覦遺貲朝夕逼嫁淑清營葬後以其家讓族人子身依母

家母歿居家廟中一婢相隨紡織度日常有句云老梅脩竹相爲伴霜雪侵凌不記年乾隆六年旌

○袁壽妻譚氏夫亡撫孤守節疎戚戴佛戴壽逼令改適氏誓不從懸梁被救飲刃而歿總督赫壽題旌

○朱雲集妻王慧字蘭韞太倉人乙未進士發祥女丙辰進士吉武姊讀書秉禮早喪所天簾櫳深掩所著凝翠集不示外人年至七十餘吉武見之乃付梓行世

○錢孫臨妻馮氏習禮明詩事舅姑盡孝雖伯氏富厚舅姑獨樂就孫臨養夫亡苦守晨夕誦經或時作詩見志有隣女再醮歸寧而盛裝勞氏曰胡乃自苦曰吾惟不爲汝是以苦也隣女大慚不敢再見

○徐氏女年八歲父三奇以事遠竄吏逮其母赴省會倉猝不得從行乃乞食求母於患難中幾死者數矣卒跡至禁所與母相依尋遇赦得還家旣前毀父無音問母又改適女獨棲墓傍紡織自給終其身

○顧氏女居新市父許字鄒月如未嫁夫亡女聞訃哭泣幾不欲生屏服飾自守舅哀其志往省之女衰麻出拜設木主歲時拜奠舅姑歿哀戚如婦禮及葬舅姑耐夫於旁曰吾生未同室死必同穴以完節終

○毛在文女許字於周年十八夫殤女長齋素服終日不言不笑病不肯治及聞翁姑連喪一慟而絕

已上俱曾志

○汪九漪妻程氏休寧人徙常熟九漪爲諸生勤苦著述氏佐甘旨奉堂上歡姑黃氏特所鍾愛年踰九十語次及姑無不流涕教子孫有儀法康熙戊戌孫應銓以第一人及第明年

氏百歲旌表貞壽之門 御書期頤衍慶四大字以賜又明

年卒

通志

○沈乾妻居氏乾嗣父欲汚之氏以死拒乘夜夫婦同縊死

○張世恒妻褚氏二十夫亡守節秉禮通書史其臨終詩云待死光陰日抵年關心救水百憂煎高旻不改蒼蒼色獨有寒門墜却天又云破鏡歌殘夢亦愁此身久已視浮漚黃泉有路津休問收拾歸裝趁柏舟

已上俱昭文志

○章揆蒼妻馬氏早寡舅數欲嫁之誓死不從後族人密以許盧某給氏同姑探親昇入盧家氏覺觸柱投階折齒毀面盧盛陳金珠誘之氏投諸地奮罵索死盧懼禍送還翁不納氏

奔夫殯所號慟投河雍正十年旌

通志

○龔克和妻馬荃字江香夫婦俱工書畫偕至京師以繪事自給未幾夫亡有貴客欲得之荃截髮自誓扶柩歸里立姪爲嗣郡守童華表之

通志

○鄭位延妻王氏夫亡卽自縊姑救免復抽利刃撫棺祭奠自勿乾隆二年旌

○吳良玉妻潘氏夫亡氏營葬畢赴水未死乘間自縊又蔣纘妻張氏夫亡數日自縊死俱乾隆四年旌

○張相如繼妻章氏秦安人相如客遊秦安聘爲繼室偕歸常熟家貧相如常就幕館於外氏粗通文墨勤苦自守旣而相

如卒於撫寧縣署時無子止一女尚幼氏迎還夫喪勉力營葬朝夕奠食至服闋時題絕命詞五首又作書以女及遺田十餘畝託夫之從弟夜中抱夫遺像投河死時年三十四乾隆十二年五月十六日也署縣遲維執捐金助喪督糧參議程光鉅具牲酒親奠焉

歷年旌表貞節

徐茂滋妻蕭氏順治十年旌贈刑部員外郎王瑞龍繼妻戴氏順治十六年旌黃尚廉妻徐氏康熙十八年旌倪逢濂妻胡氏康熙二十年旌汪鳴玉妻陳氏康熙二十一年旌邵爾旃妻孫氏賈玉如妻王氏俱康熙二十三年旌生員錢亮妻

李氏康熙三十六年旌席永恒妻蕭氏任君瑞妻張氏俱康熙三十九年旌沈錫禧妻邵氏張素詒妻趙氏俱康熙四十二年旌許世勣妻徐氏康熙四十八年旌監生翁松齡妻李氏徐雲鵬妻李氏俱康熙五十三年旌監生顧永錫妻李氏監生孫弘銓妻翁氏俱康熙五十七年旌蔣鵬扶妻張氏楊煥妻陸氏蔣邴妻徐氏俱康熙六十一年旌方炳先妻毛氏陳炳妻高氏俱雍正元年旌生員蕭國梓妻金氏生員戴秋濤妻蔣氏歸沅妻黃氏沅弟歸澧妻錢氏監生張列星妻李氏俱雍正二年旌屈永浩妻翁氏魏炳範繼妻陳氏高捷妻秦氏許重進妻包氏生員錢維翰妻陶氏邵止善妻顧氏王

予纘妻陳氏徐大宗妻顧氏朱鉞妻姚氏景象泰妻葉氏霍
功臣妻倪氏翁祖恩妻蘇氏俱雍正三年旌監生邵濟華繼
妻歸氏生員單可大妻嚴氏顧全賓妻倪氏生員呂煥妻范
氏俱雍正五年旌王似宗妻孫氏李岳鳳妻錢氏徐宸翰妻
黃氏顧佃妻陳氏俱雍正七年旌王予標妻馮氏職監周樹
穀妻朱氏曹雲鴻妻劉氏陳寶文妻曹氏蕭大綸妻龐氏言
興妻朱氏朱元壽妻周氏許字王元健馮氏女許字陳大年
李氏女俱雍正八年旌生員謝青妻陳氏監生錢惠妻曾氏
張朝綱妻謝氏監生孫芝田妻李氏殷慶延妻王氏貢生沈
沛妻孫氏殷慶澧妻譚氏程榭妻潘氏俱雍正九年旌吳振

祁妻錢氏子承恩繼妻鄒氏吳觀宸妻王氏生員李鏞妻王
氏生員陳文煥妾姜氏譚贊育妻黃氏貢生王世煜妻金氏
蘇佶妻陳氏俱雍正十年旌張錄繼妻曹氏周祐妻曹氏嗣
子肇邠妻劉氏舉人嚴密妻邢氏童天臣妻范氏席啓進妻
顧氏譚士端妻蘇氏吳鳳翥妻孫氏俞應鵬妻錢氏錢天錫
妻孫氏黃虎臣妻顧氏俱雍正十一年旌徐德培妻劉氏生
員錢之瑛妻黃氏顧葆和妻邢氏潘六殷妻范氏李國俊妻
王氏管佩妾蘇氏許學夔妻錢氏俱雍正十二年旌顧維章
妻章氏孫世楷妻范氏世楷子兆蒸妻黃氏生員王式妾金
氏蔣琪妻張氏范俊英妻錢氏許字金堡錢氏女俱雍正十

三年旌陳萬善妻高氏王予袞妾馮氏何元瑞妻高氏生員
鄒延孟妻胡氏全澹明妾吳氏生員謝登妻蔣氏劉廷光妻
王氏陸禹儒繼妻孫氏龔大武妻錢氏孫鶴年妻平氏胡廷
楨妻趙氏錢慶宅妻陸氏譚錫鉉妻陳氏祝士旦妻聞氏郭
學澧妻刁氏蔣浩妻曹氏鄒寧國妻陸氏謝翰妻徐氏薛唐
卿妻蔣氏丁潞妻沈氏徐天虬妻吳氏李仲茂繼妻錢氏刁
可就妻朱氏王雲蔚妻丁氏生員王孫藝妻丁氏俱乾隆元
年旌王元倬妻查氏生員單含章妾馮氏許主生妻龔氏生
員陳舒繼妻湯氏朱明甫妻錢氏監生蘇鳴臯妾蔡氏高彙
生妻楊氏生員謝廷爵妻潘氏孫仲南妻楊氏徐文和繼妻

言氏朱茂芳妻顧氏徐幹妻汪氏趙允康妻秦氏陳竹妻錢
氏張宏業妻衛氏孫榜妻陳氏李世榮妻王氏妾徐氏言鐸
繼妻徐氏孫仲寧妻徐氏陳健妻黃氏李弘毅妻馮氏孫棟
妻顧氏許壽昌妻張氏仲呂妻許氏范右明妻金氏俱乾隆
二年旌殷再巡妻楊氏羅長源妻王氏生員陳國鼎妻顧氏
黃自新妻吳氏生員李東震妻錢氏李永祿妻錢氏生員嚴
廷祿妻朱氏張萬鎰妻杜氏陳光豫妻謝氏子監生永基妻
黃氏高劍光妻周氏桑子福妻王氏徐龍光妻錢氏李德公
妻吳氏席永建妻李氏張永年妻季氏李念祖妻陸氏丁振
宗妻徐氏趙聖臣妻陳氏俞純嘏妻陳氏顧鼎豐妻華氏王

元登妻殷氏范章徽妻余氏王昌妻曹氏王應鈇妻張氏柳
士賢妻朱氏翁觀揚妻陳氏趙慶臻妻邵氏蔣璠妻王氏李
清芳妻蘇氏趙公章妻徐氏蘇偃妻顧氏張光宙妻陶氏袁
韜妻張氏俱乾隆三年旌朱沆妻盧氏進士曾振甲妻周氏
何德簡妻俞氏龔志堯妻汪氏妾張氏王君名妻查氏生員
殷進妻楊氏邵弘遠妻譚氏高志清妻王氏張定遠妻盧氏
殷命封妻王氏李子瀛妻龔氏孫更清妻張氏曹行甫妾李
氏錢佳臣妻宋氏倪孟詞妻沈氏張彥可妻金氏徐士登妻
倪氏馬揆一妻譚氏顧天寶妻曹氏衛爾茂妻陸氏錢光祖
妻李氏胡恩如妻朱氏陳雲龍妻顧氏徐漢文妻顧氏蘇茂

甫妻盧氏錢舜儀妻王氏許志顯妻蘇氏殷貞妻戴氏許重
光妾錢氏李燦妻錢氏許志榮妻殷氏陳璫妾王氏周師旦
妻譚氏張士英妻毛氏邢銓妻戴氏殷王祚妻李氏許字詹
玉潤馬氏女許字戈人爵吳氏女俱乾隆四年旌徐朝綱妻
張氏陳兆美妻顧氏生員馬隲繼妻錢氏趙錦葵妻張氏監
生孫建昌妻曾氏朱維屏妻李氏生員范安仁妻華氏黃天
秩妻張氏孝廉陳琳妻葛氏程弘緒妻王氏邵玉儒繼妻金
氏陶士秀妻姚氏胡近公繼妻曹氏翁汝弼妻錢氏張維城
妻徐氏錢士秀妻譚氏周文煥妻錢氏蔡芳洲妻徐氏席森
岐妻黃氏陳光裔妻祝氏毛鳳翔妻王氏王子迪妻龔氏譚

君昇妻陳氏潘令愷妻李氏吳嘉相妻顧氏毛尚忠妻王氏
沈學詩妻蒯氏錢南融妻張氏顧殿侯妻唐氏顧九驊妻王
氏殷岳揚妻楊氏王元爵妻張氏殷汶妻屈氏朱祚偉妻席
氏須安國妻朱氏朱謙光妻張氏龔名達妻王氏席大年妻
錢氏錢廷松妻丁氏呂升妻胡氏張肇芳妻陳氏錢璆妻張
氏謝治經妻陳氏許倬妻陶氏許字錢淮徐氏女許字翁天
申王氏女許字陸嘉穀曾氏女俱乾隆五年旌貢台衡妻席
氏監生繆始昌妻張氏貢漢衡妻翁氏孫琦妻陳氏妾金氏
邵祖錫妻顧氏監生張繼妻李氏周大年妻魏氏生員殷鉞
妻吳氏殷敬業妻李氏趙延懿繼妻孫氏吳君啓妻竇氏王

建中繼妻季氏陳正之妻趙氏陳俊儒妻馬氏顧復昌妻袁
氏王運燦妻吉氏金象泰妻龐氏周肇域妻毛氏周敬瑚妻
費氏劉嘉聯妻吳氏朱成玉妻童氏孫文漢妻沈氏秦元材
妻王氏金慧凡妻鄒氏俱乾隆六年旌錢登科妻黃氏貢生
席蔣穆妻蔣氏季永年妻趙氏監生王邦彥妻章氏嚴元洲
妻徐氏季垣薇妻黃氏錢宗弈妻丁氏季文炳妻瞿氏俱乾
隆七年旌王譽隆妾錢氏程孔臨妻陸氏李大勳妻任氏吳
允仕妻周氏蘇聚成妻袁氏生員孫斌妻王氏邢漣妻張氏
蔣廷相妻周氏俱乾隆八年旌李藻妻張氏薛筠妻王氏盧
興妻陳氏周肇基妻潘氏朱在公妻楊氏張鳳翥妻貢氏陸

蘇州府志 卷七十一
士成妻荆氏王格妻顏氏俱乾隆九年旌倪士鳳妻程氏金
文漢妻顧氏譚元永妻朱氏范章信妻華氏王慶生妻張氏
蘇嘉裔妻倪氏徐寶珠妻顧氏錢嶸妻王氏俱乾隆十年旌
翁曾辰妻顧氏李錦妻孫氏俱乾隆十一年旌

未經旌表貞節

吳士傑妻王氏保定守王夢鼐妾張氏贈尙書翁毓芳妻趙
氏生員錢廣妻章氏生員顧璟妻錢氏周孟元妻邱氏祝萬
春妻沈氏許字張鑛言氏女王允昌妻貢氏王武昌繼妻曾
氏子生員孫芳妻許氏魏耕妻張氏呂維武妻朱氏陸蕃妻
嚴氏孫若水妻陸氏吳君酬妻徐氏生員王得雲繼妻李氏

柳士榮妻殷氏許席之妻顧氏副榜汪霖妻吳氏蔣滙妻陳
氏蔣國璣妻陳氏郭維城繼妻陳氏王琬妻馬氏謝貺妻馬
氏生員金籍妻陳氏程起圖妻吳氏嚴士焯繼妻袁氏進士
趙世鐸繼妻陳氏顧宗周妻張氏何濟滋妻周氏任紹孟妻
言氏葉茂誠妻趙氏王時卿妻楊氏程允元繼妻湯氏浦肇
慶妻葉氏錢天錫妻孫氏王孫芳妻許氏毛伯華妻王氏子
瑞妻王氏錢裔龍妻衛氏生員陳炳妻戴氏生員陳文燦妻
姜氏王用九妻周氏徐君常妻陳氏徐季方妻顧氏盧國華
妻丁氏姚永隆妻常氏張再華妻翁氏趙國瑚妻屈氏劉雲
昭妻金氏汪秉文妻董氏陳聖誌妻張氏顧樹楨妻曹氏朱

維城妻陳氏生員翁孕祥妻張氏龔端妻張氏李汝孝妻平
氏弟汝忠妻馬氏沈詩軒妻周氏郭象頤繼妻王氏花景秀
妻陶氏徐宗元繼妻衛氏嚴桂繼妻郭氏陸貽謨繼妻瞿氏
蔣昌瑞妻王氏陸光曦妻張氏潘行之妻宓氏俞利哉妻陳
氏徐心九妻沈氏范育生妻王氏錢國輔妻言氏朱繼善妻
沈氏顧祥妻蔣氏譚桂山妻李氏嚴榜妾羅氏徐保滋妻王
氏黃焯妻陳氏易芳妻錢氏管廷掄妻屈氏潘陞妻沈氏馬
仲良妻鍾氏趙閻妻何氏沈元鼎妻王氏楊漢妻陸氏顧之
櫛妻鄒氏魏鶴山繼妻周氏蔣世芝妻呂氏朱星妻瞿氏許
元忠妻彭氏朱連城妻夏氏張雲高妻胡氏

昭文縣

○吳周繼妻厲氏年二十九夫亡期年自縊督糧道馮景夏有
記

○程忠謀妻周氏早寡無子閱三十餘年姑老女嫁母亡乃自
縊

○孫之炯妻屈氏二十六歲夫亡無子家酷貧自經救免卒刎
死柩前去夫歿十四日

○馮建中妻周氏夫病狂不娶氏涕泣語願往侍疾嫁二年夫
狂甚不知所往氏無子忍死以奉姑終苦節四十餘年乾隆
四年旌

以上俱
昭文志

○葉九臯妻王氏夫亡自縊乾隆十年旌

歷年旌表貞節

王吉臣妻繆氏王嶼妻馬氏徐寶善妻錢氏俱雍正四年旌
王路淳妻徐氏嚴鎮妻錢氏蔣君佩妻錢氏周受豐妻單氏
陸暄妻顧氏俱雍正五年旌曹弈昌妻項氏胡廷錫妻黃氏
生員譚爾表妾馬氏瞿雲倬妻許氏黃御安妻郁氏俱雍正
七年旌監生孫弘業妻姚氏潘允文妻沈氏張豐繼妻劉氏
程誕先妻江氏俱雍正八年旌鄭有登妻蔡氏程光斗妻黃
氏俱雍正九年旌徐國瑞妻唐氏生員程徐天妻李氏錢揚
先妻項氏鄭銘妻譚氏程廷錦妻孫氏俱雍正十年旌李蓮

若妻丁氏鄭惟夏妻葉氏監生瞿湜妻吳氏劉振穀妻錢氏
脩撰汪繹妾王氏潘史如妻范氏馮朝選妻李氏監生吳麟
妻程氏瞿若樾妻許氏徐麟瑞妻陳氏俱雍正十一年旌朱
仁世妻許氏王爲霖妻徐氏李象採妻朱氏華蓋妻徐氏徐
宗勸妻夏氏俱雍正十二年旌周源溢妻吳氏沈天祐妻何
氏嚴易溱妻錢氏孫自成妻鄭氏鄒國秀妻錢氏金鑑妻盧
氏王以就妻趙氏楊鎮妻范氏許字沈狎楊氏女俱雍正十
三年旌孫球妻馬氏王迪慈妻秦氏生員薛毓璠妻許氏朱
爾煥妻瞿氏許元忠妻彭氏金樂宣妻殷氏范仁淵妻王氏
許慎言妻孫氏范仁源妻金氏陳守禮妻王氏俱乾隆元年

旌金聲遠妻徐氏監生蔣璜妻瞿氏郭紹本妻吳氏張于田
妻吳氏張尙卿妻吳氏姚永隆妻韋氏周紀庭妻方氏顧銓
妻范氏巖右蒼妻徐氏郭鑛妻鄭氏汪晉侯妻陶氏徐頡蒼
妻郭氏王沅妻吳氏俱乾隆二年旌陸瑞芝妻夏氏生員譚
觀德妻管氏王念先妻朱氏監生錢宏道妻支氏陳行之妻
王氏王行嘉繼妻顧氏錢平阿妻徐氏王懿先妻姚氏鮑士
星妻方氏劉文元妻吳氏劉順先妻陸氏杜德徵妻陶氏錢
恒宗妻邵氏張士鯨妻朱氏項名揚妻陶氏瞿文寧妻錢氏
陸承瓚妻陳氏程天木妻蔣氏徐子英妻夏氏沈名雲妻張
氏屈聲芝妻徐氏高棻妻張氏倪御祿妻俞氏俱乾隆三年

旌陳復仁妻姚氏譚泰亨妻黃氏弟謙亨妻沈氏孫江繼妻
蔣氏陸子令妻吳氏舉太趙廷璟妻邵氏陳從周妻曹氏生
員周楨繼妻王氏子敦臨妻朱氏朱鍾玉妻周氏生員譚懷
妻殷氏繆秀臣妻張氏程允平繼妻蔣氏王鶴聲妻譚氏陸
令聞妻錢氏陳萬成妻吳氏溫士偉妻徐氏任君亮妻戴氏
梅公調妻倪氏孫沂再妻張氏陳祥鴻妻徐氏王宗武妻徐
氏尹維瞻妻陳氏顧丹谷妻徐氏邵茂先妾金氏李淇妻朱
氏時朝妻錢氏徐得仁妻李氏王熒妻朱氏鄒輔公妻支氏
史山妻王氏王孝治妻張氏殷永祚妻顧氏衛春雷妻管氏
俱乾隆四年旌吳廷謨妻錢氏黃六符妻方氏生員章夢易

蘇州府志 卷之十一
妻徐氏弟敘銓妻潘氏盛珽妻黃氏瞿惠光妻倪氏中書瞿
亮邦妾劉氏婁士讓妻李氏監生王言綸妻徐氏周邦傑妻
陸氏生員瞿蘭妻蘇氏蔣公權妻邵氏錢國寶繼妻沈氏趙
貴墀妻陸氏程登爵妻巴氏唐仲蕃妻沈氏吳荆實妻沈氏
胡時正妻周氏張筠若妻秦氏王芳侯妻葉氏戴麗成妻邵
氏陸允中妻程氏張聚豐妻顧氏陳廷佐妻沈氏童爾臣妻
王氏馬遇妻吳氏龔子偉妻靖氏許淇妻程氏王元錦妻顧
氏蔣端妻費氏沈重德妻張氏馮兆元妻孫氏張廷棟妻宗
氏桑盛妻徐氏顧懸智妻倪氏許字吳蘭范氏女俱乾隆五
年旌監生嚴楸妾尤氏監生錢德坦妻張氏高溟妻胡氏胡


殿臣妻蕭氏生員江高飛妻潘氏沈爾茂妻黃氏生員顧永
祚妻蔡氏沈文宗妻閔氏生員孫源妻李氏周受祿妻王氏
貢生蔣佶妾蔡氏方煦遠妻鄒氏沈用肅繼妻高氏王用賓
妻朱氏周世祥妻王氏陳耀寰妻蔣氏鄧登妻陳氏張太素
妻胡氏俱乾隆六年旌諸法理妻邵氏監生徐有常妻黃氏
陳名世妻孫氏生員王和妻錢氏蘇運通妻孫氏生員趙珍
妻孫氏陳世龍妻朱氏生員蔣榜妻錢氏楊子威妻徐氏生
員許英妻李氏陸光曦妻張氏陸順德妻夏氏吳廷璽妻劉
氏潘已觀妻鄭氏歸應牧妻蘇氏俱乾隆七年旌陸慶延妻
俞氏吳希伯妻袁氏職監汪紘妾朱氏全昌言妻陳氏許濟

妻瞿氏畢在公妻殷氏譚思振妻沈氏陳贊美妻錢氏生員
 瞿璉妻周氏生員譚鼎新妾何氏生員趙廷珊妾袁氏瞿懋
 功繼妻凌氏潘楚隸妻花氏許字孫瀛洲鄒氏女俱乾隆九
 年旌徐惠忠妻張氏胡啓謨妻金氏俱乾隆十年旌

未經旌表貞節

生員沈張嵩妻朱氏生員陳國鼎妻顧氏王雄馭妻邢氏衛
 鈞妻朱氏許開運妻蔣氏許德公妻蔣氏程暘妻邵氏許雲
 上妻殷氏程公翼妻張氏王允嘉妻顧氏徐治綱妻吳氏顧
 鼎豐妻華氏王煥章妻范氏彭枚臣妻譚氏胡子清妻楊氏
 朱克孝繼妻沈氏唐蕙如妻吳氏楊廷鼎妻邵氏倪起鳳妻

沈氏譚振之妻顧氏



蘇州府志卷第七十一

文化乙丑

[Blank page with faint grid lines and some stains]

[Blank page with vertical grid lines]

